

山西太原省  
中醫改進研究會

民國十五年十二月

中華郵政特准掛號  
認爲新聞紙類

特別啓事

本會編有名醫學案先後聘請湖北邱君聖徵江蘇楊君如侯趙君意空編至明代業已出版現擬編輯清代名醫學案有願担任編輯者或充任本會教員醫士兼任編輯月薪若干或在原處編輯郵寄稿本酬資若干統乞先行賜函說明編輯大要以便接洽商訂如先索閱本會已編名醫學案函到即寄此啓

醫學雜誌

第三十四册

南京圖書館藏

## 本雜誌啟事

凡訂閱本雜誌者望先寄費空函訂購恕不作覆

代派本雜誌辦法

- (一) 凡個人或團體代派本雜誌十份者贈閱一份二十份贈閱二份以上類推
- (二) 凡代派本雜誌須先繳費一半餘按期遞繳若到期未清恕不續寄
- (三) 凡願代派本雜誌者須有妥實介紹人

## 外界投稿簡章

- 一 各界投稿凡有關於醫藥衛生等學術者本會極其歡迎
- 一 凡經本會編入雜誌之稿件每一稿奉贈雜誌一册如一期之內登兩三稿亦祇寄送一册
- 一 凡永久贊助本會特別熱心或贈送書籍諸君本會按期寄送一册
- 一 投寄稿件務請繕寫清楚圈點句讀
- 一 收受各稿本編緝處可以酌量增刪如作者不願他人增刪亦請預先聲明
- 一 所投稿件未經登載者恕不奉還
- 一 各醫藥報界有願與本會雜誌互換者本會極表同情
- 一 會內外諸君有翻譯東西最近發明之醫藥學投刊者本會尤為感綴

# 醫學雜誌第三十四期

## 目錄

### 醫務紀要門

醫學傳習所第六期同學錄叙

### 專著門

靈素生理新論 續

楊百城

新致正經脈俞穴記誦篇 續 張壽頤

### 論說門

中國醫學沿革概論 續

楊煥文

論內經陰陽五行 甲子之說  
出於麻學

楊百城

修正傷寒論文之商榷 續

費澤堯

莫枚士研經言釋膈篇書後張山雷

### 纂述門

莫枚士研經言腸覃解書後同 上

(生理類)

人身之血液

楊百城 輯  
趙意空

(衛生類)

張栗庵先生存書 續

防疫芻言

秦國楨

(病理類)

論病因

楊煥文

狐惑病之研究

王合三

說痢

費澤堯

霍亂論

劉蔚楚

霍亂病理說

張治河

中西論瘧比較談

羅燮元

(診治類)

(診法)

色脈篇 續

楊百城

[治法]

治病序例 續

楊百城 趙意亭 輯

論胃氣不降治法

張錫純

遵經治法三則

章納川

痘症論治

楊星垣選

麻痘論治

同上

白喉症急要治法之研究

程子濬

[治療各稿]

產後昏厥譫語諸證

武老良

肝強脾弱積飲症治驗

錢文廣

精虛暈眩症治愈

劉蔚楚

蜈蚣入腹治法

沈仲圭

寒霍亂治驗

張巨川

[藥物類]

中國藥品在美國暢銷

錄順天時報

[方劑類]

辟疫丹

醫案門

關於心理之治療

楊星垣選

通訊門

張效宗上會長書 續

章納川君論用成方宜慎

廣東中醫專門學校致本會緘

報告門

繁峙縣疫症

朔縣疫症

平魯疫症

南通預防春季白喉痘疫之通告

雜俎門

醫科

星期徵稿選刊

第三十四期 目錄

問傷寒寒火二證脈證之辨李福昌

問結胸虛煩二症相似而實不同其

分別何在 賈鴻儒

針灸討論會治法選刊

補瀉九六次數論 趙 熙

問刺營衛 衛允如

第三十四期 目錄

本會續聘名譽會員

王合三 河南醫藥研究會

本會附設醫院九月分中醫診治人數表

婦科																					內科																					男 女	診 治 愈	病 院 治 療					
腹 痛 作 瀉	痰 癆	喉 效	心 煩 不 安	頭 痛	崩 漏	胎 痛	肩 痛	體 弱	調 經	手 背 疼 腫	胃 疼 之 痛	受 火 瘧 疾	邪 氣 夾 痧	下 疝	筋 攣	胸 滿 身 疼	疝 氣	耳 疼	傷 寒	濕 病	眼 腫	肩 疼	口 疼	積 氣	乳 岩	紅 白 痢	血 崩	肝 腎 受 熱	紅 星 痢	脾 骨 不 和	傷 脾	石 脇 疼	腰 疼	肝 胃 受 熱	腹 疼 脹	咽 疼	牙 疼	外 感 夾 痧	頭 疼	肝 氣	傷 胃				寒 熱 痧 嘔	受 寒 痧 嘔	感 冒	喉 痧	受 風 痧 嘔
										三	六	四	一	一	一	二	三	一	一	五	二	二	一	一	一	一	一	一	三	二	一	一	一	四	三	五	八	二	一	三	一	十	二	五	男	診			
三	三	五	三	四	三	四	五	六	七	二	一		一	二	三	一	一	二		一				四	一	二											二	七	二	二	四	二	六	三	女	治			
										三	二	二		一	一	二	三	一	一	四	一	二	一	一	一	一	一	一	三	二	一	一	一	三	五	八	二	一	三	一	八	二	五	男	治				
三	二	五	三	四	三	四	四	六	七	二				二	三	一	一	二		一				四	一	二										二	七	二	四	二	六	三	女	愈					
																																													男	病			
																																													女	院			
																																													女	治			
																																													女	愈			
																																													男	病			
																																													女	院			
																																													女	治			
																																													女	愈			
																																													男	病			
																																													女	院			
																																														女	治		
																																														女	愈		
																																														男	病		
																																														女	院		
																																														女	治		
																																														女	愈		
																																															男	病	
																																														女	院		
																																															女	治	
																																															女	愈	





# 醫務紀要門

## 醫學傳習所第六期同學錄叙

醫學傳習所第六期同學錄叙

醫校之設。八載於茲。專門第二班猶未卒業。傳習班則已畢業五次。今第六次矣。設校之初。其宗旨注重中醫。兼授西醫。以期發明中醫真理。改進中國醫術。是欲融西於中。雅不欲喧賓奪主也。及至專門畢業。詢其志向。則趨重西醫者。十之七八。而傳習諸生。適與之相反。無他。一由中學卒業而來。一由世傳及在家行醫有年而來。一則時值軍興。需才孔亟。一則歸家轉授。用途較狹耳。然與其不中不西。徒襲皮毛。何如專精西學之爲愈乎。此次畢業。得證書者。共八十六人。內計世傳行醫者十五人。世傳行醫兼治藥者十人。行醫有年者十一人。行醫有年兼治藥者九人。在家從師學醫者八人。邇來銳志學醫者三十三人。其尤佳者。所投星期應徵稿件。皆斐然可觀。選登雜誌。供衆研究。餘亦皆知注重中學。精研醫理。先入

爲主。洵不誣矣。由是而更精以求之。發揮而光大之。誰謂吾中醫壽命。不過二三十年乎。且日本漢醫。幡然有復興之勢矣。英德大學。以內難傷寒爲專科矣。報載中醫之在美國營業者。戶限爲穿矣。勉之勉之。予日望之。民國十五年十二月楊兆泰序

# 專著門

## 靈素生理新論

續三十三期

理事 楊百城

### 第五節 論人周身之骨度

骨度者。所以度人身骨節之大小廣狹長短。而定人身經脈之長短也。靈樞骨度篇以天下之人長七尺五寸為適中。適中之人。則頭骨亦適中。頭骨適中。則通體之骨皆適中。故取適中之人度之以立法。

一頭之大骨周圍二尺六寸。

二額之髮際至項之髮際一尺二寸。

三額之髮際至頤一尺。

四額角至天柱骨一尺。額角為額之兩側突起連後者也。之外端與肩峯突起連後者也。

五兩額骨之間相距七寸。

第三十四期 專著門

六耳前與耳門處廣一尺三寸。耳門謂耳角(耳翼前之隆起)之上廣謂從右耳門至左耳門之間

七耳後當完骨處廣九寸。完骨即乳突起廣亦同前謂從右至左之間

八項之髮際至背骨二寸五分。甲乙經謂三寸半。背骨指第七脊椎之棘狀突起也

九結喉至缺盆之中四寸。結喉即所謂喉頭之隆起缺盆即鎖骨故頭在常位時兩鎖骨之間即當胸骨上窩處又其長係頭在常位時

之計

十胸之周圍四尺五寸。於乳部計之

十一兩乳之間九寸五分

十二缺盆至髑髀九寸。缺盆即指缺盆中而言髑髀即胸骨劍夫故為從胸骨上窩至劍夫之胸骨長

十三腋中不見處四寸

十四腋至季脇一尺二寸。季脇為第十一肋骨之前端故此間為從腋窩至第十一肋骨之前端故此間

十五腰之周圍四尺二寸。於臍部計之

十六髑髀至天樞八寸。於此所云天樞者臍也於此不可誤為天樞穴

醫 學 雜 誌

十七天樞至橫骨六寸五分。橫骨即恥骨軟骨接合

十八季脇至髀樞六寸。季脇之解見前(十四條)脾樞即大轉子

十九脊骨至尾骶三尺。脊骨恐係第七頸椎之棘狀突起尾闕骨也故此長當為從第七頸椎至尾闕骨之

二十肩至肘一尺七寸。

二十一肘至腕一尺二寸五分。

二十二腕至中指之本節四寸。

二十三中指之本節至其端四寸五分。

二十四橫骨上廉至內輔之上廉一尺八寸。橫骨為恥骨內側之接骨以上大廉者上緣也內輔為膝內側之接骨以上大廉者上緣

內關節與脛之內關節合而言之也

二十五內輔上廉至下廉三寸五分。上廉為上緣下廉為下緣

二十六髀樞至膝一尺九寸。髀樞解見前(第十八條)

二十七內輔下廉至內髁一尺三寸。

二十八膝至外踝一尺六寸。

二十九膝膕至跗屬一尺六寸。膝膕為膝後跗屬者當跟骨外側之處也

三十內踝至地三寸。地為地面即着足之處

三十一外踝至京骨三寸。京骨為第五蹠骨後突出於外側之處名為第五蹠骨結節者是也

三十二京骨至地三寸。

三十三跗屬至地三寸。

三十四足長一尺三寸。足長者踵至趾之長也

三十五足廣四寸五分。以最廣處計之

第六節 論人周身之骨空

骨度詳於靈樞。骨空詳於素問。兩者皆骨部之要領也。再論骨空。

髓空在腦後三分。在顱際銳骨之下。一在斷基下。一在項後中復骨下。一在脊骨

上空。在風府上。脊骨下空。在尻骨下空。數髓空在面俠鼻。或骨空在口下。當兩肩。

兩髀骨空在髀中之陽。臂骨空在臂陽。去踝四寸兩骨空之間。股骨上空在股陽。出上膝四寸。肱骨空在輔骨之上端。股際骨空在毛中動下。尻骨空在髀骨之後。相去四寸。扁骨有滲理湊。無髓孔。易髓無空。

此骨空篇總論通體骨節之空也。所謂骨空者。言經脈之循於骨空之間而爲穴。卽骨節之交。精髓上下相通之處也。諸髓皆會於腦。而爲精髓之海。故先言髓空在腦後銳骨之下。謂腦髓相通之處。在腦後銳骨之下有空也。一在斷基下者。謂腦前有空。而通於齒根之上。鼻頰之間。故腦滲則爲涕也。一在項後中復骨下者。在督脈之瘳門入系舌本。謂腦之中通於舌下也。一在脊骨上空在風府上者。謂諸髓之從脊骨而上於風府。從風府而入通於腦也。所謂脊骨下空在尻骨下空者。言脊髓之上通於腦。而下通於尻臀之骨空也。數髓空在面俠鼻者。言面之俠鼻間。而有數處之髓空也。或骨空在口下當兩肩者。言在面數處之骨空。或有在口下而通於肩骨也。兩髀骨空在髀中之陽者。此言兩肩

髓之通於兩臂也。陽外側也。臂骨空在臂陽者。此言兩肩骨之相通也。踝謂手  
踝。去踝四寸兩骨空之間者。謂髓在肱骨之中央。上通於肩臂。下通於手指也。  
股骨謂大股之骨。在膝上四寸。是在骨之中央矣。蓋言大骨之中空。而髓充於  
內。從兩頭之髓孔。上通於腰尻。下通於胫骨。故下文云。扁骨無髓孔。而中亦無  
空。胫骨小腿之骨空。在輔骨之上。上通於股骨。下通於跗指之骨也。股際者謂  
兩大腿骨之上。小腹下之橫骨。在兩股骨之間。毛中動脈之下。尻骨。髀骨也。髀  
骨在股骨之上。少腹兩旁突起之大骨。前下連於橫骨。後連於尻骨也。若扁骨  
之無髓空。而亦無髓孔之易髓也。髓孔者。謂節之交有孔竅之相通。易髓者。謂  
通體大小之骨。精髓互相資易者也。扁骨謂尻間扁骨也。其骨扁而中實無  
空。其節交之處。亦無髓孔以易髓。然於骨外之筋腠膜間。而津液亦互相灌滲。  
是上下周身之骨度。髓氣流通。亦如經脈之環轉無端者也。觀此而知近世腦  
氣筋之說。在古人已闡發無遺。且於周身髓氣貫注處。一一說明。以見上下資



益之妙用。奈何學者習焉不察也。

### 第七節 論筋骨之會曰節

人生筋骨之會。有三百六十五節。經脈支分三百六十五絡。而皆絡於節。是以筋骨血脈內外相通。骨節間之穴會。無非神氣之所遊行。筋所以維束骨節。血脈所以營養骨節。此二者。皆骨節之所利賴也。故舉經言釋之於左。

一經以骨屬腎。筋屬肝。水能生木。故骨節亦能生筋。而筋又爲骨之使。倘無筋以爲骨之聯屬。則骨將節節離解。不能支柱。遑論運動。故經曰諸筋皆屬於節。

一經以十二經與奇經八脈。達於周身。以行血氣。使內陰外陽。筋骨關節。無所不周。猶水之灌輸。以利養萬物。是筋骨關節。又賴經脈血氣之行。而後濡之利之也。故經曰經脈者所以行血氣而榮陰陽。濡筋骨利關節者也。

考西說凡人身之骨相連接處。曰關節。分其類爲二。曰不動關節。曰可動關節。不動關節。又分軟骨結合與縫合二種。可動關節。又分單軸二軸三軸。蟬旋叢

合五種。各種關節間。皆有韌帶以維護之。韌帶爲白色強韌而富於彈力性之纖維樣結締組織。能維持骨之聯接卽筋是也。此與經所謂諸筋皆會於節之說合。

西說又謂兩骨之間。有滑液膜一層。浸潤其間。而助關節運動之活潑。又骨之外部被有骨膜。富於血管神經。司骨之營養。此與經所謂經脈者。所以行血氣而榮陰陽。濡筋骨。利關節之說合。

### 新考正經脈愈穴記誦編

續三十三期

名譽理事 張壽頤

### 帶脈循行經文

〔甲乙經二卷十一經絡脈支別篇下〕足少陰之正。至臍中。別走太陽而合。上至腎。當十四椎。出屬帶脈。

〔注〕此足少陰腎之別絡。自足上行至臍。而分支別以合足太陽經而上行於背。至兩腎部位。則出而屬於帶脈。以帶脈迴身一周。正在脊骨兩旁。腎之部位。

蓋帶脈之穴。雖在脇下而其約束周身。脈行於背者。當在此間。王啓玄注素問氣府論。謂帶脈之穴。乃足少陽與帶脈之會。此說雖非甲乙外台所固有。蓋本於中誥圖經諸書。亦是古說。此可證帶脈與足少陽相通。亦即與足少陰通也。

○壽頤按甲乙經此節所謂十二經之正者。皆是絡脈支別。非其經脈正隧。是以甲乙此條之下。有雙行校語。引九墟云。或以諸陰之別者。皆爲正也。此句卽爲正字說解。蓋唐以前人之舊校。所謂九墟者。卽古之鍼經九卷。亦曰九靈者是也。非唐以後之所謂靈樞。乃今本靈樞經別篇。則此條之下。亦有成以諸陰之別皆爲正也十字。乃作爲正文。可知其卽從甲乙得來。但以校語作正文。其義已不可通。且又以或字誤作成字。更不可解矣。○頤又案西學家言。腎之部位。在背骨第十二節。至腰骨第三節間。大小腸夾膜之後。以合吾國舊說。乃在脊骨第十六椎以至十九椎之間。非十四椎也。且帶脈之穴。在季脇下一寸八分。此處已在肋骨盡處之下。正與西說腎在腰骨一二三節間者相合。〔西說

之所謂腰骨。乃脊骨最下之五節旁無肋骨者。以中醫舊說言之。則爲第十七椎。以至第二十一椎。甲乙乃謂腎當十四椎。非是。蓋十四椎下。乃腎俞穴。內腎尙在其下。此不可不參證新學。以糾古書之譌者。弗謂腎俞之穴。兩腎卽在其內。亦如肺心肝胆脾胃三焦二腸膀胱諸俞。皆係於足太陽經。非諸藏諸府。皆卽在此諸俞之間也。

〔難經二十八難〕帶脈者。起於季脇迴身一周。

〔注〕經言帶脈循行之道。祇此難經一見。而語極簡畧。所謂季脇者。卽帶脈之穴。在季脇下一寸八分者也。攷甲乙經外台。言帶脈所會之穴。止有足少陽經之維道一穴。而王啓玄注素問氣府論注。則又有足少陽經之帶脈五樞二穴。皆曰足少陽帶脈二經之會。蓋本於中詒明堂諸書。故醫宗金鑑言帶脈之穴。止此三者。李瀕湖奇經考。則於帶脈諸穴。尙多一章門。然攷甲乙外台。章門之穴。皆不言帶脈所會。則李氏之說爲無本。近人唐容川氏。又以難經迴身一周。

之說。止取帶脈一穴。而不取五樞維道。則又非甲乙外台之舊義。亦不可從。

### 帶脈穴俞歌

帶脈之俞止有三。脇下一寸八寸拈。復會五樞又維道。少陽經穴此中探。

### 帶脈穴俞考

帶脈交會之穴。止有帶脈五樞維道三者。皆屬足少陽經。分寸考已見前。其帶脈之穴。在身之側。腰中季脇骨下一寸八分。即足厥陰經章門穴下之一寸八分。此處正當穴軟內。即兩腎部位。椎之背後脊骨。當在第十七十八椎間。甲乙經所謂足少陰之正。別走太陽。上至腎。出屬帶脈者。卽此。然非脊骨之十四椎也。

# 論說門

## 中國醫學沿革概論

續三十三期

理事

楊煥文

### 黃帝時代之醫學

我國開化最早。自伏羲畫卦。文字以興。神農嘗藥。醫事以作。於時聖哲代起。上觀天文。下察地理。中傍人事。究心氣化。以考察疾病之所由生。與夫診治大法之所。在。迺作醫說。披露於世。遞相授受。人傳誦之。並有家世其業者。如鬼臾區之允歷。十世而至鬼臾區。歧伯之先。歷二祖而至歧伯是也。洎夫黃帝坐明堂之上。講求至道。臨觀八極。考建五常。咨於歧伯。而作內經。是內經者乃岐軒討論古代學說。整而理之。俾以統一天下之醫學。昭示萬世。集上古醫學之大成者也。今之內經。其果出於歧黃之手乎。去古篤遠。無得而徵矣。然其微言大義。包含萬有。譬古以來。無有出其右者。想自秦火以後。漢武大開獻書之門。學術復興。而醫家亦遂各

本其相傳之師說。聚輯成篇。上之於朝。名曰黃帝內經。故漢書藝文志得存其目也。而論者遂以爲僞託。羣相聚訟。嘵嘵至今。竊以爲理宜分別是非。而書亦何論真僞。其說不足以傳世。雖岐黃手定之書。亦當棄之。其說果足以救民。即非岐黃手定之書。亦當寶之。曰真曰僞。從覺詞費。不值識者一嘖矣。近世學子。又以其書所論玄妙。是哲學而非科學。不知各種科學。固不包括在內。固哲學而科學也。爰將內經所吸收之各種科學。說明於左。(未完)

### 論內經陰陽五行甲子之說出於麻學

理事

楊百城

內經陰陽五行甲子之說。其爲近人所醜詆者極矣。等之於筮卜星相堪輿。亦若此。可列入教育系統。則筮卜星相堪輿等謬說。亦可參與其間。教部盲從其說。而我國醫學遂播居不足齒數之列。此則有心人所爲痛哭流涕長太息也。嗚呼。筮卜也。星相也。堪輿也。在昔我國。士夫本不以爲學。國家本不以爲教。歷代起而闢之者。曾不乏人。何事近人嘵嘵爲。且彼言吉凶禍福。皆在將來。所以感世。若在於

醫。則死生存亡。當前立決。安能誑人。是其所云陰陽五行甲子者。蓋言天必驗之人。論理必證諸數。用發天人理數之秘。以推測氣化。而出於麻學者也。觀內經之論麻也。首以陰陽二字爲揭。曰天爲陽。則知清輕上浮之氣。陽也。曰地爲陰。則知重濁下凝之氣。陰也。是天地一氣也。而日爲陽精。麗於天。月爲陰精。附於地。故又曰日爲陽。月爲陰。此其陰陽二氣。相拒相引。含有兩兩對待理性。一翕一闔。能使上下左右。遠近高卑。各有限度。故亘古地懸於太虛之中。無所用其憑依而不墜。經所謂大氣舉之也。及其運行。經云在上者左旋。在下者右旋。其行有分紀。其周有道里。遂迥有寒暑朔望晝夜之分。往復循環。歷驗不爽。聖人仰觀俯察。因之作麻步天度。考躔離占星辰。測氣候。以五行紀運。以甲子紀歲。而醫家亦遂藉天地自然運行之法象。闡明氣化之消長終始。取五行甲子紀之。以盡人物之性。而參贊化育焉。我國氣化之說。實肇始於此。惜中醫至今。猶懵然於古人立說之本原。徒襲陰陽五行甲子之空談。忘其所自。是直不知氣化爲何謂。何怪他人以策



醫

學

錄

誌

17

卜星相堪輿擯斥之。而并奴視我古人也。海內不乏精通天算之士。竊願推闡其義。修而明之。校而正之。釐而訂之。以發揮我國醫通於麻之旨。俾中西人士。共曉然於陰陽五行甲子之說。本從麻學而來。純係科學性質。且非哲學理想。匪特醫法不可亡。卽憲法尤不可亡也。嗚呼。其興其廢。天乎人乎。上古遺經。幸不滅亡於秦火。神州絕學。豈終泯沒於歐潮。安知今日奄然就廢者。他日不勃然復興耶。

修正傷寒論文之商榷

續三十三期

理事

費澤堯

陽明病。譫語。有潮熱。反不能食者。胃中必有燥屎五六枚也。若能食者。但鞭耳。宜大承氣湯下之。「修正」陽明病。譫語有潮熱。反不能食者。胃中燥也。若能食不大便。必有燥屎鞏結也。宜大承氣湯下之。

此條諸家隨文牽解。獨金鑑以爲錯誤。洵具卓見。胃中必有燥屎五六枚。何其可笑。燥屎決不在胃。當在腸中。徐靈胎已言之。况際此解剖生理諸學昌明時代。固無強非爲是之可能乎。本論有云。「陽明病。其人多汗。以津液外出。胃中

## 第三十四期 論說門

十八

燥。大便必鞭。鞭則讖語。小承氣湯主之。……」爰本仲景原意爲之修正。

太陰之爲病。腹滿而吐。食不下。自利益甚。時腹自痛。若下之。必胸下結鞭。〔修正〕  
太陰之爲病。腹滿而吐。食不下。時腹自痛。若下之。必胸下結鞭。下利益甚。

吳人駒云。自利益甚四字。當在必胸下結鞭句下。其說甚是。按此條脈經千金翼文有異同。可知必有差錯。今姑據吳說爲之修正。

傷寒脈浮。醫以火迫劫之。亡陽必驚狂。臥起不安者。桂枝去芍桂加蜀漆牡蠣龍骨救逆湯主之。〔修正〕傷寒脈浮。醫以火迫劫之。亡陽必驚狂。起臥不安者。桂枝去桂加蜀漆牡蠣龍骨救逆湯主之。

既因火逆亡陽。桂枝使不宜用。芍藥豈可去之。是去芍必爲去桂之誤。蜀漆當是玉蜀黍。決非常山苗。按此條諸家多隨文註釋。未有糾正之者。僕不敏。一得之悞。不敢不言。臥起二字欠順。茲據成本作起臥。

傷寒六七日。大下後。寸脈沉而遲。手足厥逆。下部脈不至。喉咽不利。唾膿血。泄利

不止者爲難治。麻黃升麻湯主之。〔修正〕傷寒六七日。大下後。寸脈沉而遲。下部脈不至。咽喉不利。唾膿血。手足厥逆。泄利不正者。爲難治。

此爲下厥上竭。陰陽離決之症。故云難治。麻黃升麻湯。多十四味。雜亂無章。方證不對。柯韻伯斷爲非仲景真方。可謂千古卓見。從而刪之。

寒實結胸。無熱證者。與三物小陷胸湯。白散亦可服。〔修正〕寒實結胸。無熱證者。與三物白散。

金鑑云。當是三物白散。小陷胸湯四字。必是傳寫之誤。亦可服三字。亦衍文也。確論。考玉函千金翼。均無陷胸湯及亦可服字。僅作與三物小白散。推其義係根據本文原注。然不如金鑑并小字而去之爲妥。若覽氏順文改竄。太覺費力矣。

傷寒紙浮緩。身不疼。但重。乍有輕時。無少陰證者。大青龍湯發之。〔刪去〕

此條脈證俱輕。邪退將罷之象。青龍峻劑。豈可妄投。其間必有衍誤。應旄之後

條辨。路玉之續論。改作小青龍湯。亦非。惟舒馳遠云。發熱惡寒。無汗煩躁。乃大青龍之主證。有其主證。雖脈浮緩。身不疼。但重。乍有輕時。即可用大青龍湯。然必辨其無少陰證。方可用。否則不可用也。可謂極索解之能事。柯韻伯從而引之。直將發熱惡寒。無汗煩躁八字。硬嵌入脈浮緩句下。轉覺武斷。鄙意大青龍湯脈證。本論既有明文。此條不妨刪去。

傷寒脈浮滑。此表有熱。裏有寒。白虎湯主之。〔刪去〕

此條必有差誤。諸家辯議不一。有改作裏有熱。表有寒者。〔程應旼〕有改作表有熱。裏有邪者。〔柯韻伯〕有改作白通湯主之者。〔玉函經〕總之。皆屬牽強。無裨經義。鄙意白虎湯脈症。本論既有明文。此條不妨刪去。

少陰病。四逆。其人或欬。或悸。或小便不利。或腹中痛。或泄利下重者。四逆散主之。〔修正〕少陰病。四逆。洩利下重。其人或欬。或悸。或小便不利。或腹中痛者。四逆散主之。

觀固逆散方後加減法。可知洩利下重不在或然之例。柯韻伯註本特將洩利下重四字移於四逆句下。頗當。今卽據以修正。

傷寒發熱。汗出不解。心中痞鞭。嘔吐而下利者。大柴胡湯主之。「修正」傷寒發熱。汗出不解。心下痞鞭。嘔吐而下利者。大柴胡湯主之。

心中考玉函脈經悉作心下。於義頗是。據以修正。至下利金鑑以爲不利之誤。似是而非。不敢盲從。

少陰病。得之二三日。口燥咽乾者。急下之。宜大承氣湯。「修正」少陰病。得之二三日。口燥咽乾者。急下之。宜大承氣湯。

病纔二三日。僅口燥咽乾。何得遽用急下。其中必有衍文。柯琴傷寒論註。獨加不大便三字。可謂點睛得體。今據以修正。

病常自汗出者。此爲營氣和。榮氣和者外不諧。以衛氣不共榮氣諧和故爾。以榮行脈中。衛行脈外。復發其汗。榮衛和則愈。宜桂枝湯。「修正」病常自汗出者。此爲

榮氣和。衛氣不共榮氣諧和。故爾復發其汗。榮衛和則愈。宜桂枝湯。

此條頗多衍文。今據吳儀洛傷寒分經修正。

太陽病。先發汗不解。而復下之。脈浮者不愈。浮爲在外。而反下之。故今不愈。今脈浮。故知在外。當須解外則愈。宜桂枝湯。〔修正〕太陽病。先發汗不解。而復下之。脈浮者不愈。浮爲在外。當須解外則愈。宜桂枝湯。

此條頗多衍文。今據柯琴來蘇集修正。

太陽病。發熱汗出者。此爲榮弱衛強。故使汗出。欲救邪風者。宜桂枝湯。〔修正〕太陽病。發熱汗出者。此爲營弱衛強。故使汗出。欲解邪風者。宜桂枝湯。

救不如解字妥。今據玉函修正。

血弱氣盡。腠理開。邪氣因入。與正氣相搏結于脇下。正邪分爭。往來寒熱。休作有時。嘿嘿不欲飲食。藏府相連。其痛必下。邪高痛下。故使嘔也。小柴胡湯主之。〔刪去〕

按此條文氣似爲本論「傷寒五六日。中風。往來寒熱。胸脇苦滿。嘔不飲。飲食。心煩喜嘔。……或腹中痛。……小柴胡湯主之。」一條作註釋。恐非仲景原文。且下多闕文。不如刪去。

問曰。証象陽旦。案法治之而增劇。厥逆。咽中乾。兩脛拘急而譫語。師曰。言夜半手足當溫。兩脚當伸。後如師言。何以知此。答曰。寸口脈浮而大。浮爲風。大爲虛。風則生微熱。虛病則肢攣。病形象桂枝。因加附子參其間。增桂令汗出。附子溫經。亡陽故也。厥逆。咽中乾。煩躁。陽明內結。譫語煩亂。更飲甘草乾薑湯。夜半陽氣還。兩足當熱。脛尚微拘急。重與芍藥甘草湯。爾乃脛伸。以承氣湯微瀉。則止其譫語。故知病可愈。(刪去)

按此條文氣。實爲本論「傷寒脈浮。自汗出。小便數。心煩微惡寒。脚攣急。反與桂枝湯。欲攻其表。此誤也。得之便厥。咽中乾。煩躁吐逆者。作甘草乾薑湯與之。以復其陽。若厥。足溫者。更作芍藥甘草湯與之。其脚即伸。若胃氣不和。譫語

者。少與調胃承氣湯。一條作註解。決非仲景原文。理宜刪去。太陽病。下之。其脈促。不結胸者。此為欲解也。脈浮者。必結胸。脈緊者。必咽痛。脈弦者。必兩脇拘急。脈細數者。頭痛未止。脈沈緊者。必欲嘔。脈沉滑者。脇熱利。脈浮滑者。必下血。〔刪去〕

此條以脈斷症。頗多參錯。觀金鑑可知。且文氣與叔和辨脈法相同。疑非仲景原文。刪之為是。

莫枚士研經言釋膈篇書後

名譽理事 張山雷

誌 釋 學 醫

蓋願按隔字从阜。以障塞為義。說文障也。玉篇塞也。而古書多通作隔。荀子大略篇。隔如也。楊注謂高絕於上。史記大宛傳。隔漢道焉。漢書薛宣傳。西州隔絕。又五行志。高閉門戶。皆隔同於隔之明證。若格之本義。則為樹之高枝。長枝。說文。格。木長貌。然因其為高長之樹枝。則引申其義。即有抵牾阻塞之意。周語穀洛鬪。韋昭注曰。二水格。是即後人格並阻格之義所從出。醫學之所謂關格病。本此。釋其意。



義。已與隔塞之隔。無甚分別。而於肉之膈字。則說文所無。玉篇有之。訓爲胸膈。考素問胸膈之膈。今諸書尙多有作隔者。是膈爲後出之字無疑。卽爲隔膜之孳生字。吾人胸腹之間。有隔膜一層。後人以噎隔之病。阻塞在中。有似於隔膜之意。遂以膈爲病名。其意仍與素問之所謂隔陽。仲景巢元方之所謂關格。同以隔塞爲義。亦無彼此可分。惟古人所謂隔隔之病。未必皆屬死症。而今之所謂噎隔。則津液耗竭。無藥可醫。案其症狀。確有輕重。此則習俗相沿。定名各異。非隔隔格膈四字之訓。詁有殊也。枚士小學。頗有見地。而獨於此四字者。強爲分析。是以各家醫書之病狀爲斷。實非字義所應有。壽頤於此。殊不敢阿其所好。

### 莫枚士研經言腸覃解書後

### 前人

壽頤按覃之篆文。从鹵。字从鹹省得聲。故說文訓爲長味。引申其義。卽作延長解。時葛覃傳。延也。〔爾雅釋言同〕又生民實覃實訂。傅。長也。〔廣雅釋詁二同〕水脹篇。腸覃之覃。自不可作延長說解。然既生息肉。稍以益大。則附腸而生。自能長大。

第三十四期 論說門

二十六

其狀可知。枚士謂義當作輩。其說甚確。蓋輩字从覃。本取其自然長大之義。古人通用。一望可知。此在粗知字學源委者皆能悟到。但不識古書假借之義。則茫然不可解耳。惟莫氏謂此覃字卽當讀如覃字。〔大徐說文。引唐韻慈衽切。與玉篇廣韻之桂反同。〕則殊不必。此本一聲之轉。古人初無平仄之分。既爲古書作訓。正不可拘泥六朝以後之音。強古人而同我。此又讀其書不可不知其世之要務也。

# 纂述門

(生理類)

## 人身之血液

理事 楊百城 趙意空 輯

人身血液之全量。壯年者大概為體重之十三分一。即四千三百瓦。乃至五千瓦。

### 人身之榮養

血液為榮養官能之中心。出種種機力。取物質於體外。循行全身。又取老廢之物質於組織。由種種排泄機能。除出於體外。故血液在體外之物質。與身體組織間時營瓦斯為輕養炭之總稱液類及固形成分之交換。更詳於左。

(一) 血液由呼吸作用吸入。養氣由消化作用吸取。滋養分又吸取腸內之分泌液類。


(二) 血液由呼吸作用除出炭養於體外。由分泌作用除出水及與水和融

之物質。

〔三〕血液以水中和融之物。付諸組織。〔組織間滲漏液〕

〔四〕血液取分解於組織。〔組織分解物〕

自〔一〕至〔四〕之關係。以圖明之如左。



(衛生類)

張栗庵先生存書 續三十三期

凡事之本。必先治身。嗇其大寶。用其新。棄其陳。腠理遂通。精氣日新。邪氣盡去。及

其天年。此之謂真人。呂覽

聲禁重。色禁重。衣禁重。香禁重。味禁重。室禁重。同上

德者內也。得者外也。上德不德。言其神不淫於外也。神不淫於外則身全。身全之謂德。德者得身也。凡德者以無爲集。以無欲成。以不思安。以不用固。韓非子

視強則目不明。聽甚則耳不聰。思慮過度則知識亂。同上

香美脆味。厚酒肥肉。甘口而病形。曼理皓齒。悅情而損精。同上

衆人之用神也。躁則多費。多費之謂侈。聖人之用神也。靜則少費。少費之謂  
齋。同上

知治人者。其思慮靜。知事天者。其孔竅虛。思慮靜故德不去。孔竅虛則和氣日入  
同上

所以貴無爲無思爲虛者。謂其意無所制也。夫無術者。故以無爲無思爲虛也。夫  
 故以無爲無思爲虛者。其意常不忘虛。是制於爲虛也。虛者。謂其意無所制也。今  
 制於爲虛。是不虛也。同上

按此言道貴爲虛。若爲虛所制。是理卽障矣。起信論曰。想念皆除。亦遣除想。此

之謂也。

裏藏泰實則氣不通。泰虛則氣不足。熱勝則氣缺寒勝則氣缺泰勞則氣不入。泰

佚則氣宛至。怒則氣高。喜則氣散。憂則氣狂。懼則氣懾。凡此十者。氣之害也。而皆

生於不中和。故君子怒則反中而自說以和。喜則反中而收之以正。憂則反中而

舒之以意。懼則反中而實之以精。春秋繁露

天氣常下於地。是故道者亦引氣於足。天之氣常動而不滯。故道者亦不宛氣。同上

上

按引氣於足即所謂息以踵。近日本人著深呼吸法內云五當隨於吸氣而屈

伸足指。充實丹田。緊鎖肛門之際。同時更運力於腰腹及足心。而於吸氣時用

力於足尖。而屈其拇指。吐氣則放之。此乃深呼吸之要秘也。

故養生之大者乃在愛氣。氣從神而成。神從意而出。心之所之謂之意。意勞者神

擾。神擾者氣少。氣少者難久矣。故君子閑欲止惡以平意。平意以淨神。淨神以養

氣多而治。則養人之大者得矣。古之道士有言曰。將欲無陵。固守一德。此言神無離形。則氣多內充而忍饑寒也。和樂者生之外泰也。精神者氣之內充也。外泰不若內充。而况外傷乎。忿憂懼恨者生之傷也。和說勸善者生之養也。君子慎小物而無大敗也。行中正。聲嚮榮。氣意和平。居處虞樂。可謂養生矣。同上

凡人所生者神也。所託者形也。神大用則竭。形大勞則敝。形神離則死。死者不可復生。離者不可復反。故聖人重之。史記

人生而靜。天之性也。感而後動。性之害也。物至而神動。知之動也。知與物接而好憎生焉。好憎成形而知誘於外。不能反已。而天理滅矣。故達於道者。不以人易天。外與物化而內不失其清。淮南子

高氏誘曰。通道之人。惟外貌與物化。內不失其無欲之本性。

機械之心藏於胸中。則純白不粹。神德不全。同上

喜怒者道之邪也。憂悲者德之失也。好憎者心之過也。嗜欲者性之累也。人大怒

破陰大喜。墜陽薄氣發瘖。驚怖爲狂。憂悲多志。病乃成積。好憎繁多。禍乃相隨。故心不憂樂。德之至也。通而不變。靜之至也。嗜欲不載。虛之至也。無所好憎。平之至也。不與物散。粹之至也。能此五者。則通於神明。通於神明者。得其內者也。同上

形者生之舍也。氣者生之充也。神者生之制也。一失位則三者傷矣。是故聖人使人各處其位而不相干也。同上

精神氣志者。靜而日充者。以壯。躁而日耗者。以老。是故聖人將養其神。和弱其氣。平夷其形。而與道浮沉。恬俛仰。恬然則縱之。迫則用之。其縱之也。若委衣。其用之也。若發機。如是則萬物之化無不過。而百事之變無不應。同上

事其神者。神去之。休其神者。神居之。同上

高曰。事治也。休謂不動擾。

以死生爲一化。以萬物爲一方。同精於大清之本。而游於忽區之旁。而精而不使。有神而不形。契大渾之樸而立。至清之中。是故其寢不夢。其智不萌。其魄不抑。其



魂不騰。反覆終始。不知其端緒。甘暝於大宵之宅。而覺視於昭昭之宇。休息於無委曲之隅。而遊遨於無形埒之野。居而有容。處而無所。其動無形。其靜無體。存而若亡。生而若死。出入無間。役使鬼神。淪於不測。入於無間。以不同相值也。終始若環。莫得其倫。此精神之所以能登假於道也。同上

正汝形。一汝聲。天和將至。攝汝智。正汝度。神將來舍。德將來附。若美。而道將為汝居。蠢乎若新生之犢。而無求其故。同上

聖人損欲而從事於性。同上

按食視聽三官。亦曰三關。即欲也。

神貴於形者也。故神制而形從。形勝則神窮。聰明雖勝用。必反謬神。謂之大冲。同上

高曰。形勝。謂人體躁動。勝其精神。神窮而去也。冲調也。按形。蓋耳目口之屬。得道之士。外化而內不化。外化所以入人。內不化所以全身也。故內有一定之操。

而外能誦伸羸縮卷舒。與物推移。故百舉而不陷傷。同上

故五色亂目。使目不明。五音亂耳。使耳不聰。五味亂口。使口生創。趣舍滑心。使行

飛揚。故嗜欲使人氣淫。好憎使人精勞。不疾去之。則志氣日耗。夫入所以不能終

其天年者。以其生生之厚。夫惟無以生為者。即所以得長生。文子

精神難清而易濁。猶盆水也。清之經日。乃能見眉睫。不過一撓。即不能見方圓也。

學 文子

導筋骨則形全。寡者欲則神全。靖言語則福全。亢倉子

雜

凡陽氣生養。陰氣消殺。喜和之徒。其氣陽也。故養性者崇其陽而絕其陰。陽極則

誌

亢。陰極則凝。亢則有悔。凝則有凶。夫物不能為春。故候天春而生。人則不然。常存

吾春而已矣。申鑒

鄰臍二寸謂之關。關者所以關藏呼吸之氣。以稟受四氣也。故氣長者以關息。氣

短者其息稍升。其脈稍促。其神稍越。至於以肩息而氣舒。其神稍專。至於以關息

而氣行矣。故道者常致氣於關。是謂要術。同上

黃庭外景經曰。上有黃庭。下有關元。後有幽闕。前有命門。噓吸廬外。出入丹田。  
外一作開 即絳室 解云。關元在臍下二寸。按各書皆言三寸 惟此書言二寸 元陽之命在其前。懸精如鏡。  
 明照一身。不休是道。未完

### 防疫芻言

名譽 會員 秦國楨

癘蝶痧。方書名曰霍亂。俗因其螺紋。稱陷。故呼是名。西人名虎列拉。時疫中之最  
 急最險者也。去年七月十三日。敝邑北門外。初有患此者。十七八日。日殤數人。後  
 其勢稍衰。二十日又死數人。朝發夕死。夕發朝死。其傳變之速。殊堪駭異。竊嘗推  
 究其原因。厥有二端。一生於脾胃失職。天時運氣之變化也。內經云。太陰所至。為  
 中滿。霍亂吐下。又云。土鬱之發。為嘔吐霍亂。又云。足太陰厥氣上逆。則霍亂。蓋太  
 陰溼土之氣。內應於脾。性喜香燥。而惡臭溼。鎮中宮。而主升降。濁溼盛。土鬱。升  
 降之機窒滯。則濁反厥。逆於上。清及抑陷於下。而為霍亂。  
 一得於口鼻。傳染穢濁。黴菌之淆亂也。本年五月初。降雨數日。圍城之水流蓄於

北門外二三十日。各街巷污濁之物均滯滯焉。水退後。天氣亢熱。地氣上騰。人在氣交之中。受其蒸淫。污濁穢邪。由口鼻入。隨人之體而變化。爲虎列拉菌。中宮受攪。升降失常。清濁相干。亂於腸胃。故揮霍變亂於倉卒間也。

吾國之人。於飲食起居肆無忌憚。不解衛生者居多數。未病之先。不求預防之道。既病之後。不講調理之方。因而夭殤者不可勝數。此惡痧證。急者不及救治。緩者方藥雜投。終至於死。曷不於平昔稍加意也。謹擬數條以備採擇。

#### 清街巷以除穢惡

疫症流行。雖有寒熱之異。均挾穢濁之邪。以傳染由口鼻直入中道。傳變最速。吾國於衛生一途。未嘗研究。近雖設清道夫。冀除穢濁。而街巷垃圾。仍舊堆積。其污穢之氣觸於口鼻。即易生病。目下尤爲惡疫之媒介。務望衛生家勤加澣濯洒掃。互相勸勉。俾邪無所依。而不爲厲。則痧疫之患。庶可以少息乎。

戒嗜慾以保藏真

邪之所湊其氣必虛。正氣足者邪弗能干。諸病皆然。痧疫尤甚。故數時後多見大骨枯槁。大肉陷下。下利不禁。螺癘筋轉。目陷肢冷。脈伏多汗。諸恙峰起。藏真內脫。雖有神丹。恐亦難挽。生機衛生家宜謹戒嗜慾而保藏真。則邪無隙可乘矣。

### 慎飲食以淨腸胃

天時不正之氣。歲所時有。然病之來。總由人之不注重衛生。如多貪口腹。或寒煖失宜。飲食不節。多食生冷油膩麵食。暈腥瘟牛狗肉餛飩菜等物。適其人本寒濕暑風內蘊。肝木乘脾胃。升脾降。清濁混淆。釀成霍亂。朝發夕死之症。苟能節飲食。不肆啖。暈膩生冷等物。腸胃之轉輸。毋一息之停。雖有疫邪。微菌。亦不能閉其經絡。淆其陰陽。致生危候。凡日常供給之水。務求清潔。水缸中加明礬雄黃。以沈降其污穢。煮粥飯固宜多煎數沸。卽烹茶更宜多沸。則有害之物不足慮矣。

### 藏濁物星免蔓延

一家中如有患霍亂吐瀉之病。所出穢物。宜於僻處掘地掩埋。切不可傾於河內。

即廁所亦不可傾。以防傳染。更不可將病者汚衣於河內洗濯。恐旁有淘米洗菜者。陰受其毒。總之不可使穢氣着人。則造福無涯矣。

#### 藉芳香以辟惡穢

人身臟腑氣血津液。得生氣則香。得敗氣則穢。感受之後。自臟腑蒸出肌表。氣血津液。逢蒸而敗。因敗而溢。溢出有盛衰。充塞有遠近。中醫所謂濁邪。西醫所謂黴菌。卽是此氣。誠時疫之媒介也。或謂疫鬼爲害。宜用芳香辟之。雖爲識者所譏。而芳香之氣。亦能化濁邪辟穢氣。則佩香袋。薰香煙。諸法。未可廢也。

#### 傳方藥以重衛生

時疫傳變最速。朝發夕死。延醫診治。至速亦閱數小時。藥未入口。危候迭見。須備靈效丹丸。以備急需。若其勢稍定。切不可雜服他藥。以再亂其臟腑。當隨證施。以相當之藥。以善其後。庶可收轉危爲安之效果矣。

#### (病理類)

## 論病因

理事 楊煥文

凡人稟天地之氣以生。履中含和。固無所謂病也。病之來也。必有所因。無病無因。一病一因。此中西醫界之所公認也。故欲知其病。當先究其因。仲景金匱要畧。分病因爲三。一者。經絡受邪。入臟腑爲內所因。二者。四肢九竅血脈相傳。壅塞不通。爲外皮膚所中。三者。居室金刃虫獸所傷。後陳無擇三因論。亦分爲三。以內因爲七情所發。自藏府形於肢體。外因爲六淫。起於經絡。舍於藏府。不內外因爲飲食飢飽。叫呼傷氣。以及虎狼毒虫。金瘡。壓溺之類。此我國醫哲所分之病因也。在西醫則謂致病之原因有二種。一爲外因。又曰誘因。凡包圍人身以外之萬事萬物。無不可爲外因之作用。若日光空氣土壤飲食物等。固皆爲生活上所必需。然設其性質分量忽起變化。害及生活功用。病證遂緣此而至。其最甚者。莫如微生物。足爲傳染病之原因也。二爲內因。亦曰素因。謂人身體內部素質薄弱之謂也。此西醫自蓋倫氏以來所分之病因也。西醫於上述兩種病因外。又有所謂絕對病

因者。如器械之暴力。高熱電氣。金屬性及植物性毒物之過度刺激屬之。卽我國所謂之不內外因也。病因既具。疾病遂生。然僅有外因而無內因者。亦可無病。內因著而外因微者。必易生病。設有甲乙二人。同受寒風。甲有內因。故卽感冒。乙無內因。故仍無恙。風寒外因也。易患感冒之體質。內因也。又設有丙丁二人。同受暑熱。丙有內因。故卽發痧。丁無內因。故卒如常。暑熱外因也。易於發痧之體質。內因也。推之凡百病症。莫不皆然。至是而無病無因。與一病一因之說。可以明矣。

### 狐惑病之研究

名醫  
會員 王合三

誌 雜 學 醫

狐惑之病。論者紛紛。莫衷一是。陳修園認爲蟲病。王孟英指爲疫毒。唐容川謂狐惑之惑字。乃是蠱字之訛。解爲短狐如含沙射影之鬼蠱。有狐病亦有蠱病。其說誠新穎矣。然以之論病。似覺荒蕪無憑。天下事有結果則必有原因。在今日科學昌明之時。斷不能以聊齋志異之學說。以繩醫理。狐也蠱也。特一動物耳。無知無識。焉能病人。然古人之所謂狐惑蠱病者。細玩症狀。頗與今日梅毒相似。善乎某



西醫之言曰：「凡病之原因未能明瞭者，應概以梅毒推之。」今觀金匱之百合陰陽毒狐惑篇中，有「狐惑之爲病，狀如傷寒，默默欲眠，不欲飲食，惡聞食臭也。其面目乍赤乍黑乍白，蝕於上部則聲啞，甘草瀉心湯主之。蝕於下部則咽乾，苦參湯洗之。蝕於肛門者，雄黃薰之。」一條，必其人先犯花柳，或其先曾有犯花柳之人，一旦遺毒爆發，二期三期雖不敢知，而頭痛而發熱，而身痛，而咽乾之症，在所必有。所謂狀如傷寒也。默默欲眠，毒困神經也。不欲飲食，惡聞食臭者，毒火灼胃，胃液傷殘也。面目乍赤乍白乍黑者，毒留血管也。蝕於喉則爲梅毒喉嚨，蝕於陰則爲下疳魚口，他如聲音啞，肛門腫，皆爲治花柳者常見之症。特以潛伏日久，或竟屬遺傳，診是病者，每不知其原因，遠在數年，或數十年以前，而我國古時，又無精確之儀器以分析毫芒，知其當然，而不知其所以然，乃不得不以鬼鬼崇崇之說以名之。然在上古時代，原無足怪，獨怪後之爲學者，不能由結果以溯其原因，特爲表出之耳。苦參之洗，雄黃之薰，皆屬於外科手術，卽甘草瀉心湯，唐氏極贊

其效。蓋甘草可以解毒。芩連可以殺菌。病久脾虛。人參乾姜可以興奮。又何讓於內服之六零六。爲特效之靈丹耶。只以原因未明。定名不同。無足病也。嗚呼。花柳之害。於今烈矣。而仲景早發明於西歷紀元之初際。應如何揚眉吐氣。奈何今之號爲歧黃門徒者。日漸退化。對於西醫之學說。轉瞠目而視哉。

### 說痢

理事

費澤堯

痢疾一症。內經名爲腸澼。難經名爲大瘕泄。宋元以降。又有滯下之名。痢疾則爲通俗之稱焉。是症恒發見於夏秋之交。霍亂時疫流行之後。病者症狀差同。實赤傳染病之一種。多由暑穢食積而成。故生冷不潔之飲食。每爲是症之媒介物也。難經所爲大瘕泄者。裡急後重。數至圜而不能便。〔當作不暢便〕莖中痛。〔當作腹中痛〕實痢疾之主要症候。他如或身熱。或嘔惡。便下積垢。或赤或白。或赤白雜下。則無定也。更或挾同他病。均宜隨症化裁。總之腸胃壯實者易治。腸胃虛弱者難愈。是故患霍亂時疫之後。腸胃耗傷未復。續病下痢。每多粘纏。苟能謹口腹。

醫 學 雜 誌

重衛生先事預防則雖處痢疾流行之時何患傳染是亦上工治未病之道也

痢疾與泄瀉不同。故治療之法宜選不宜止。又泄瀉不止有利小便一法。而痢疾不能也。素問至真要大論云。通因通用。必伏其所主。確爲痢疾唯一之治法。蓋無積不成痢。積不去。痢必不愈。故消導攻積之劑。爲治痢之主力軍也。或佐以芳香化濁。或佐以苦寒清暑。藥到無不病除。苟以止瀉之法以治痢。溫補之法以治痢。甚至或用升提。或用滲利。是則盲人瞎馬。夜半臨池。其危險不可勝言矣。

古方如仲景黃芩湯。葛根芩連湯。白頭翁湯。直指香連丸。潔古芍藥湯。子和木香檳榔丸等。均爲治痢妙劑。隨症擇用。加減的當。無不奏效如神。而永禪老僧以蘿蒲縷爲治痢妙藥。東坡居士立薏茶飲爲治痢良方。看似平淡無奇。屢試確有特效。

痢疾不比霍亂。無須禁食。然當忌口。凡油膩生冷及堅韌難化之食物。切莫貪嘗。本草彙言云。瀉病食鴨則成痢。痢疾食鴨爲難治。誠不可不知也。

痢疾之較難治者。當推血痢。暑毒痢。噤口痢。與休息痢。茲特分條詳之。

痢下純血名血痢。屬肝病。治以當歸黃芩湯。香連丸。金鈴子散。爲主方。張氏醫病簡要曾詳論之。若屬血熱痢紅。當以外台黃連阿膠湯。及金匱白頭翁湯爲主方。而荆芥炭。銀花炭。赤芍地榆。尤須加爲藥引。若血痢不止。身熱如焚者。不治。內經云。腸澀便血。身熱則死。至言也。未完

### 霍亂論

名譽理事 劉蔚楚

內經曰。清濁相干。亂於腸胃。則爲霍亂。是霍亂爲腸胃病之確證。而命名甚古也。其病原。西醫謂由細菌侵入。壅殖腸胃。中醫謂由感受濕毒暑風。理由均足。何也。細菌西醫得諸解剖實驗。中醫則推原於夏令炎熱。人嗜冰瓜。露臥招涼。風邪易襲。及有事外出。日射加臨。濕伏於中。暑乘於外。故受病必發於腸胃。而多在夏秋之交。熱射則毛竅翕張。故暑又輒兼風也。第因生人之體質各殊。飲食起居之偏過。故同是暑濕也。而症有實熱者。有虛寒者。有兼寒熱。半虛實者。有始實熱而誤

致虛寒者。有治之寒去陽回。再出其餘熱者。西醫分真霍亂。類霍亂。先師楊公來儀教我。則注重辨寒熱。察虛實。分重輕。審前後兼雜主客各因。定爲治法。言之一若無甚離奇也者。大抵初病。熱症吐瀉。脘痞腹痛。惡風煩渴。或至轉筋。目陷脈伏。多取裁於王士雄醫書五種內霍亂論。黃芩定亂。然照諸方。濕滯多而感風深者。取裁於藿香正氣散。去桔梗白朮。薑棗。暑濕重而少汗者。取裁於香薷飲。扁豆用花。兼七情痰鬱者。取裁於金匱四七湯。隨宜加減。別有欲吐不瀉。脹悶轉筋。腹絞痛欲死之乾霍亂。自有燒鹽淬水探吐諸方。惟虛寒極者。近人重用玉桂末填臍。蓋薑灸艾。換桂薑灸多炷。總以知覺熱痛爲止。內服重劑四逆湯。繼進附桂理中湯。陽回熱出。須淡清其熱。津液涸則兼用清陰。而以上各治法。扶中逐穢藥之多要參加。則意在排除其濁滯。大畧如此。活法仍在醫者圓參焉。夫輕症易辨。若危至目陷脈微筋抽聲嘶指癰諸狀。症似難辨。然能細察其人面唇之紫淡。舌苔之潤燥。(看病以舌最有憑次。則二便飲水亦要也)聲音之粗細。身體手足之揚擲蹇伏。湯水之甘飲與

否。二便之清臭疾徐。逐一審評。未嘗無據。若以注射殺菌。曾見親友病此危甚。徑入西醫院針治而痊。足證注射適宜之有效。進而求得一種能抵抗能殺菌必效良法。豈不更善。若現在則祇用注射救急。服中藥治痊者亦多。全用中法治痊者仍多。實余所確聞親證。其謂危候之血液亡失多量水分。卽中醫所謂液竭津枯。且歷年每多寒熱症錯雜。惟前二十餘年。有一年閩粵全是熱症。前十餘年。有一年粵省全是寒症。竇附用至八兩十兩。又加丁香吳萸熟品都無效。後一老中醫發起。先向背脊貼蕙灸艾。再重用茵逆湯。霹靂散。繼進附桂理中湯。乃痊。灸背與灸臍同意。法載余證治叢錄存版。當時粵省中西醫林立。初何以不效。後則由老中醫救生無量數之人耶。疫症如此其偏酷。必謂與天時地氣無關。余暫未敢附和也。譚問行旅在途。不幸罹此。既無西醫可請。又要棄盡中醫治熱之甘露消毒丹。附桂理中丸。霹靂散。貼臍之回陽膏一切。令其束手路斃。環球甯有此人道耶。據新學家謂人果心氣和平。則血液自清。精神充足。微生物雖偶然侵入。自被血

球吞噬盡絕。是則中國藥清血液充精神之特效。發明已達五千年。民族之繁昌。甲於五洲。當由於此。微生物既可由球吞噬。彼黴菌亦可以生活力之壯氣抵抗之。排洩之。更有何疑。神農本草經。具載某種藥殺某種虫。其他尙未細說。殆古文高簡。學術初開。後賢又注重氣化。尙未肯單獨向物質鑽研耳。如謂中醫可廢。請觀余少病虛損。先登求外洋大醫。後遇楊公。始救於垂危。設使楊公亦無法。余從何得有受學中醫之專線耶。前約二十年。香港大疫。英醫謂中醫不識剖驗治療。呈請英政府禁絕。其後中英醫三次考試。設使中醫無優勝成績。則今日亦決不能保存在港矣。事具載余證治叢錄初版。故謂中醫非參究西法不可。余敢斷言。如謂中醫萬無一能。苟爲仁道愛世之良醫。立言似尙應慎重也。醫乃仁術。危急總期救命。高世難定一尊。惟在平心氣。擴觀聽。求效驗。善滙參而已。擇善而從。豈止霍亂一病爲然也哉。

## 霍亂病理說

名醫 張治河

傳染病中最危險者。莫如霍亂。故中西醫研究此症。不遺餘力。惜乎所持學理未能一致。中醫認爲風寒暑濕爲患。西醫認爲桿狀細菌肆虐。分道揚鑣。未能溝合。陳存仁云。『中醫西醫。同是不完全的醫學。』誠哉是言也。試問患此症者。其腸胃之中。果有風寒暑濕盤踞乎。此迷信氣化之過也。西醫云係細菌肆虐。與寒暑積滯無關。又未免拘泥物質矣。蓋此症之成。原不能實見寒暑之如何透入臟府。而亦非純屬細菌作祟。實乃寒暑刺激肌表。生理失其常度。於是不良之積滯。腐敗生菌。此卽『物必先腐而後蟲生之理也。』須知細菌實病體之產出物。有此病則生此菌。而染此菌者。亦能成此病。究之細菌入體。必與積滯合作。方得肆其酷虐。否則無能爲也。彼西醫曾云。『此症盛行之時。雖無病者之糞中亦有此菌。』可見健康之體。身不感寒暑。腹無積滯。雖染細菌。亦不能病也。吾認爲中醫所說之寒暑係初起之原因。西醫所說之細菌。乃已成之結果也。

## 中西論瘧比較談

續三十三期

名譽  
會員 羅燮元



瘧論又曰 夏傷於暑。秋必痲瘧。

金匱真言論曰 同上

靈樞疾診尺曰 同上

金匱真言論曰 夏暑汗不出。秋成風瘧。

又 秋善病風瘧。

又瘧論曰 溫瘧者。得之冬。中於風寒。

又先賢朱丹溪曰 瘧因痰生。

又俗諺曰 無食不成瘧。

又王孟英曰 有正瘧。時瘧。外感。內傷。伏氣。

合此數論。除後賢所主而外。大抵瘧得於暑而成於秋者居多。即西醫所謂當夏秋兩季。正是瘧疾流行得勢之時是也。然是暑爲瘧因。爲何黃帝不言痲瘧皆生於暑。而反說皆生於風。豈不自相矛盾乎。是說也。我亦不能無疑。再將經文舉証。

其疑無不自解也。瘧論岐伯答黃帝

帝曰。何氣使然。願聞其道。岐伯曰。此皆得夏傷於暑。熱氣盛藏於皮膚之內。腸胃之外。此營氣之所舍也。此令人汗空疎。腠裏開。因得秋氣。汗出遇風。及得之以浴水。氣舍於皮膚之內。與衛氣并居。

又夏傷於大暑。其汗大出。腠裏開發。因遇夏氣淒滄之水寒。藏於腠裏皮膚之中。秋傷於風。則病成矣。

觀此兩段問答。便知「瘧瘧皆生於風」之主義。可瞭然無疑也。然以岐伯之明。何嘗不知瘧因於暑。其所以不謂皆生於暑而謂皆生於風者。良因暑非重感風寒。伏於腠裏。當時觸發。不過成一種急性炎熱症。斷無成瘧之理。所以在熱病篇曰。冬傷於寒。先夏至日為病溫。後夏至日為病暑。此指寒邪伏氣遇時而作又在生氣通天論曰。「因於暑。汗煩喘渴。靜則多言。體若燔炭。汗出而散。」此指中暑即發此皆軒岐證明因暑即病。而與瘧為同源異派之原理。蓋暑為熱邪。多同燥化。所以狀現汗煩喘渴。

設因再被風邪外侵。鬱熱不宣。所以體若燔炭。必以汗出而散。其病乃已。瘧則邪伏腠裏。內滯膜原。與衛并居。值則乃發。所以休息有時。應期必至。其與諸風爲病。有以異者。良由此也。若夫痰涎積滯成瘧。昔賢謂爲瘧之兼証。求之內經十二瘧中。只有脾胃二經。能令人瘧。畧起一端。其他亦無明文。是否有關於痰食。爰取金匱以爲左鑒。

師曰。瘧脈自弦。弦數者多熱。弦遲者多寒。弦小緊者下之瘧。弦遲者可溫之。弦緊者可發汗鍼灸也。浮大者可吐之。弦數者風發也。以飲食消息之。

此段提出一弦字。便知仲聖猶是根據內經以風爲瘧之病原體。蓋弦爲肝膽之主脈。因肝膽在氣化上。原主風木。在生理上。又主膈膜腠理。且膜腠乃瘧之潛伏地。風火又是瘧之病原體。其血又爲肝所司。證以西說赤血球。理亦相合。是生理氣化。皆有關於肝膽之職要。所以仲聖乃用一弦字歸納之。使後人望文生義。不致錯入歧途。此仲聖用弦字主要之緣故也。至若此章寥寥數語。已較內經爲詳。

第三十四期 纂述門

五十二

凡後人所論痰溼積滯之瘡。無不兼而該之。觀其治法有「可下」。中滿者瀉之於內是治積滯其實者散而瀉之。是治寒化熱之「可溫」。寒者溫之開後「可汗」。其在皮者汗而發之「可鍼灸」。病之始也刺而巳刺瘡論有「可吐之」。其高者因而越之開丹種種手續。便可知也。但此種治法。亦是效法內經。以盡其治瘡之變態。雖謂述而不作。已具有創造之能力。後人奉為醫中之聖。不亦宜乎。未完

(診治類)

(診法)

色脈篇

續三十三期

理事 楊百城

諸家學說

朱丹溪格致餘論云。氣血者。人之神也。脈者。氣血之神也。所以治病之始。五決為紀。蓋五決者。五臟之色脈也。脈應於內。色應於外。其色之與脈。當參相應。故曰能合色脈。所以萬全也。

李挺入醫學云。肥白人多濕痰。瘦黑人多火熱。或形瘦色白。或形肥色黑。臨時參證。或從形。或從色。不可拘也。又云。肥人沉結。瘦人長浮。謂肥人肉厚。脈宜沉結。瘦人肉薄。脈宜長浮也。繇此推之。人形矮則脈宜短促。人形長則脈宜疎長。相違相反。而又不和者皆死。非但形體相應。雖皮膚滑澀寬緊。亦宜與脈相應。經言脈數尺之皮膚亦數。脈急尺之皮膚亦急。脈緩尺之皮膚亦緩。脈濇尺之皮膚亦濇。脈滑尺之皮膚亦滑是也。

喻嘉言云。五臟之色。在王時見者。春蒼。夏赤。長夏黃。秋白。冬黑。五臟所主外榮之常。白當肺當皮。赤當心當脈。黃當脾當肉。青當肝當筋。黑當腎當骨。五臟之脈。春弦。夏鈎。秋毛。冬石。強則為太過。弱則為不及。四時有胃曰平。少曰病。無胃曰死。有胃而反見所勝之脈。甚者即病。微者至所勝之時而病。合其色脈而互推之。此非顯然易遵者乎。仲景亦出方便法門。謂寸口脈動者。因其王時而動。假令肝色青而反白。非其時色脈見。皆當病。蓋兩手太陰之脈。總稱寸口。因其王斯而動。假令

54

肝色青。其脈之動當微弦。設反見白色。反得毛脈。至其所不勝之時而死矣。惟本王之色脈。青而且弦。爲得春令之正。此外不但白色脈爲鬼賊。即見赤黃黑之色。得鈞代石之脈。皆當主病。內經言法已詳。此仲景復以金鍼度人之救世心也。

醫

張景岳全書云。脈色者。血氣之影也。形正則影正。形斜則影斜。病生於內。則脈色必

學


見於外。凡察病者。須先明脈色。但脈色之道。非數言可盡。欲得其要。則在乎陰陽虛實四者而已。四者無差。則盡善矣。第脈法之辨。以洪滑者爲實爲陽。微弱者爲

雜

虛爲陰。無待言也。然仲景曰。若脈浮大者。氣實血虛也。陶節庵曰。不論脈之浮沉大小。但指下無力。重按全無。便是陰證。內經以脈大四倍以上爲關格。皆屬真虛。

誌

此滑大之未必爲陽也。形色之辨。以紅黃者爲實熱。青黑者爲陰寒。而仲景云。面赤帶陽者爲陰不足。此紅赤之未必爲實也。總之求脈之道。當以有力無力辨陰陽。有神無神察虛實。和緩者乃元氣之來。強峻者乃邪氣之至。病值危險之際。但以此察元氣之盛衰。邪正之進退。則死生關係。全在乎此。此理極微。譚何容易。姑



原件短缺

P 55-58

二也。因其饒有重墜之力。兼能鎮安衝氣。使不上衝。三也。其原質係鐵養化合。含有金氣。能制肝木之橫恣。使其氣不上干。四也。爲其原質係鐵養化合。更能引浮越之相火下行。〔相火含電氣。此即鐵能引電之理〕。而胸膈煩熱。頭目眩暈。自除。五也。其力能降胃通便。引火下行。而性非寒涼開破。分毫不傷氣分。因其爲鐵養化合。轉能有益於血分。〔鐵養化合。同於鐵鏽。故能補益血中鐵鏽〕。六也。是以愚治胃氣逆而不降之證。恒但重用赭石。卽能隨手奏效也。

丙寅季春。愚自滄州移居天津。有南門外郭智庵者。年近三旬。造寓求診。自言心中常常滿悶。飲食停滯。胃中不下。間有嘔吐之時。大便非服通利藥不行。如此者年餘。屢次服藥無效。至今病未增劇。因飲食減少。則身體較前羸弱矣。診其脈。至數如常。而六部皆有鬱象。因曉之曰。此乃胃氣不降也。易治耳。但重用赭石數劑。卽見效矣。爲疏方。用生赭石細末一兩。生懷山藥炒懷山藥各六錢。全當歸三錢。生鷄內金二錢。厚朴柴胡各一錢。囑之曰。此藥煎湯。日服一劑。服至大便日行一



次。再來換方。

第三十四期 醫道門

六十

時有同縣醫友李曰綸君在座。於愚診脈之餘。亦診其脈。見愚所疏之方。疑而問曰。凡胃氣不降之病。其脈之現象。多弦長有力。今此證既爲胃氣不降。其六脈皆似鬱而無力者何也。答曰善哉問也。此中頗有可研究之價值。蓋凡胃氣不降之脈。其初得之時。大抵皆弦長有力。因其病因多係衝氣上衝。或更兼肝氣上干。衝氣上衝。脈則長而有力。肝氣上干。脈則弦而有力也。然其初爲肝氣衝氣之所迫。不得不變其下行之常。而爲上逆。迨其上逆既久。因習慣而成自然。卽無他氣衝之干之。亦恒自上逆而不能下行。夫胃居中焦。實爲後天氣化之中樞。故胃久失其職。則人身之氣化必鬱。亦爲胃久失其職。則人身之氣化又必虛。是以前脈之現象。亦鬱而且虛也。爲其鬱也。是以重用赭石。以引胃氣下行。而佐以厚朴以通陽。〔葉天士謂厚朴多用則破氣。少用則通陽。〕鷄內金以化積。則鬱者可開矣。爲其虛也。是以重用山藥。生熟各半。取其能健脾。〔脾惡濕。宜用炒山藥以健之。〕

兼能滋胃。〔胃液少不能化食。宜用生山藥以滋之。〕然後能受開鬱之藥。而無所傷損。用當歸者。取其能生血。兼能潤便。補虛卽以開鬱也。用柴胡者。因人身之氣化。左宜升。右宜降。降胃卽以舒肝。還其氣化之常也。曰綸聞之。深韙愚言。後其人連服此藥八劑。大便日行一次。滿悶大減。飲食加多。遂將赭石改用六錢。柴胡改用五分。又加白朮錢半。連服十劑全愈。後數日。曰綸亦遇有此證。脈亦相同。亦重用赭石治愈。觀面時向愚述之。且深讚愚審證之確。製方之精。並自喜於醫學。又有新得也。

### 遵經治法三則

名譽會員 章納川

一、暑濕。有或腫。或脹。或脚腫者。肺失化元而然。因由暑傷氣。濕尤傷氣。脾胃之氣虛陷而不能養肺。故諸治罔效。利濕則傷氣。健脾反聚濕。清熱則冰伏清陽。辛苦燥則病氣升逆。必須遵應象大論曰。氣虛宜掣引之一言。道破千古暑濕。及治法。則暑病無所逃遁矣。李東垣知旨。故設清暑益氣湯。掃淨至冬不愈之暑濕。其

藥味錢數。無太過不及之弊。真妙方也。

二、煎厥。因春氣發生。煩勞則易傷氣。傷氣者則氣張於外。精絕於內。使人煎厥。善怒者名煎厥。治之者當補真陰。惟陰精能生陽氣故也。此從陰陽氣化之治。漢醫所獨知之。專稱剖驗者。人身之層次雖清。不過看本有之形質臟腑。安能見活人內之陰抱陽。陽抱陰。循環生長之氣化哉。

三、肝厥。曰大怒薄厥。氣血之多而盛者也。治之以椒梅白芍之類。遵應象大論。其慄悍者按而收之之法。又肝厥之病。有半粒飯子數日不能下咽者。用小半夏湯加椒梅白芍。以甘瀾水煎服。次日即能吃粥矣。以上三證。或不遵經旨治。竟有常久不愈者。故譯之。

按慄悍二字。言其病勢來得暴急勇猛。以川椒辛通直達於下。以按之。梅芍酸斂以收之。非此治法不足以見效。凡內經論病論治。合天地人自然之理。軒岐心通天地者也。故能用理以調氣。西藥無不製化而出。如中國外科藥

然。中華外科之升藥降藥。何嘗不頃刻奏效。中國人何曾不為製化學藥品。蓋獨不製化用於內病服食者。因知製化之藥。變出專制異性。猛而有毒。製出獨治肝病之藥。肝受之果益流入他臟。有損。故對待於外症則可。內服必殃。前何廉臣研究東西洋醫藥。以治對症之病。云可暫收效於一時。每生流弊不免。更不幸患二三合病。或伏氣症。服之者竟招莫追之悔。蓋化學藥品。利於驅壳之外症。而生本質。乃治臟腑之內病也。

### 痘症論治

名醫 楊星垣選錄

症為小兒先天之毒。感於時氣。散於經絡。胎毒內藏。既有淺深。時氣外觸。亦有善惡。始終皆賴乎氣血。若氣血充暢。則易出易收。氣血不足。則變症不一。治痘者必須顧全氣血為主。因氣主形。以起脹。血主色。以灌漿耳。古時種痘。用苗塞鼻。緣鼻為肺之外竅。其氣先傳於肺。由肺而傳心。由心而傳脾。由脾而傳肝。由肝而傳腎。自五臟而達於骨髓筋膚。五臟傳偏。始能發熱。見點助漿結痂。在乳母備嘗艱苦。

晝夜不安。而小兒歷過險關。中途告變者。不知凡幾矣。幸今牛痘盛行。種者亦夥。其種法擇於兩腎消燦冷淵二穴。或種四顆六顆不等。以胎毒之輕重爲標準。因此二穴。乃手少陽三焦經也。三焦者人身最關要之府。總領五臟六腑營衛經絡。通內外左右上下之氣。無論胎毒深藏。自然同時引挈而出。最爲穩妥。小兒種後。嬉笑如常。若無其事。父母亦不受辛苦。不旬日間而告厥成功。此較鼻種大有天淵之判。然鼻種之後。始終永無天花之發生。而種牛痘者。當天花盛行之時。猶未必不免傳染耳。必須多種幾次。方可無慮。又牛痘結痂之時。須要仔細察看。倘尖斜脚漿。亦不十分飽滿。其色帶藍。而又不黃亮老潔者。其氣雖出。而毒猶未淨也。下次必須再種爲是。其有未及種而自出者。須要認明是否正痘。抑是天花。若是正痘。治法與鼻種無異。第一顧其全血。若是天花。其點必顆粒不分。不必透發。灌漿助桀爲虐。急須清熱解毒。倘火毒重者。即紫雪丹之類亦可採用。切不可治鼻種之法而治天花。殺人捷如反掌。慎之慎之。噫。現今牛苗購自外洋。利權溢。

每年之數不可以千萬計。吾徧國中無一能自製者。實爲醫界之恥耳。

### 麻症論治

### 前 人

麻爲小兒之陽毒。蘊於肺胃。所以初起時勢必咳嗽噴嚏。鼻流清涕。眼胞畧腫。目流汪汪。惡心乾嘔。面浮腮赤。身體發熱。三五日始見點於皮膚。形似麻粒。色若桃花。形尖稀疏。漸見稠密。有顆粒而無根暈。微起泛而不生漿。一日出三遍。三日出九遍。至六日而始出盡矣。雖較痘症稍輕。而變化則速。始終調治。俱宜留神。必須謹忌風寒。葷腥。生冷。水菜。辛熱等物。凡是葷腥。俱能滯毒。菓生則難尅化。物冷尤能冰伏。伏而不化。毒乃滯留。風寒則易閉塞毛竅。毒氣何由而達。辛熱猶是火上加薪。助毒愈橫。之數者於小兒發麻時。不可不慎也。况其麻症有順逆之分。或熱或退。而無他症者爲順。出透三日而後漸收者爲順。紅活潤澤。頭面勻淨者爲順。若紅慘紫暗。乾焦不潤者爲逆。黑暗乾枯。一出卽沒者。及鼻青糞黑。鼻扇口張。胸高氣喘。均爲逆而難治。初起用藥。先以清毒解表。使肌膚通暢。腠理開張。毒從汗

解。如熱毒深重者。即紫雪丹之類。隨可採用。倘神昏囈語。灼熱驚狂。二便秘結。即牛黃至寶丹亦可加入。其有麻發不出。氣喘欲絕。用櫻桃汁一杯。燉溫灌服。大有起死回生之妙。此汁須預時製備。濟人活命。功德無量。並將製法列下。以供仁人君子預時多製應送。其方用櫻桃十餘斤。入磁瓶內。密封埋入土中。二三個月後。俱化爲水。凡遇麻症發不出者。燉溫服下。靈驗無比。如臨時欲用。無處採辦。爲之奈何。不防用小米一撮。小米卽粟米。要有紅殼者。煎湯不拘時服。一面用芝麻五合。以滾水泡之。乘熱令小兒之頭面薰之。卽出。惟月內之小兒發麻。則不須服藥。祇要乳母忌食葷腥油膩煙酒辛辣等味。謹其風寒。避其猘穢。當心顧護而已。再麻毒必賴嗽甚而解。切不可見嗽而止嗽。至於泄瀉嘔吐腹痛。亦是麻毒使然。不得妄用補澁之藥。執而不化。以致不救。爲小司命者。對於斯症。慎毋忽焉。

### 白喉症急要治法之研究

理事

程之溶

近年來喉症盛行。治不得法。斃命者甚多。予苦心研究斯症之治法數年矣。今已

得其要領。歷治數人。無不手到病除。差堪自信。但有治療手術之次序。用藥之次序。不可混亂。凡未過四五日者。及注射血清不效者。亦能療之數日平復。

### 手術之次序有五

- 〔一〕取白法。以三稜針縛篦子上。縱橫割剝。立刻粉碎。片圓而下。唾出毒血。
  - 〔二〕取白下赤腫處毒血法。以三稜針縛篦子上。量毒而刺。盡出毒血。
  - 〔三〕取舌下紫筋毒血法。將舌俾直出外。以三稜針刺之。由黑流紅爲止。
  - 〔四〕取中衝少商耳上紫筋血法。一放盡黑血。立時見輕。
  - 〔五〕着手後日日取白吹藥法。換頭纏棉花蘸冷水一滾即沾出。不利者微杵之即下。溫水漱了口。隨即吹藥。日吹十數次。
- 經以上之治法。毒勢即不得逞放蔓延矣。

### 用藥之次序有三

- 〔一〕雄黃解毒丸。方用明雄黃 二錢 川鬱金 二錢 巴霜 一錢 共研細末煉蜜成



第三十四期 蔡逸門

六十八

丸如黃豆大小大人每服三九七九二凉水送下。

服藥後一二十分鐘。藥力行開。汗吐下三法兼行。吐瀉痰涎。直攻臟腑之伏瘟積熱老痰宿食。使邪氣無所憑藉。再服清瘟解毒之大劑以善後。

(二)吹喉藥。用乳香二錢沒藥二錢兒茶二錢明雄黃二錢黃柏一錢黃連一錢

冰片一分麝香一分共研極末。以藥鼓子頻頻打之。或以竹筆帽吹之。如項

外腫者。以冷醋調此藥成糊。塗于項上咽喉外面腫處。舌強者並要口含芒硝少許。

(三)服藥以左藥出入加減為主治。連翹三錢金銀花三錢山豆根二錢赤

芍二錢黃芩二錢黃連二錢玄參錢半桔梗錢半山梔子錢半龍膽草錢半

葛根一錢薄荷一錢生草一錢乳香一錢沒藥一錢陳皮五分蘇子五分麥

冬二錢

(治療各稿)

## 產後昏厥譫語諸證

理事 武老良

省垣北門大街高氏婦。今春產後患昏厥譫語。自汗。肌膚浮腫。舌亮無苔。艱於起居。歷有日矣。其脈微而細。又沈滯模糊。不分至數。詢其惡露仍行而不斷。按此症病在氣分。血分無病也。然醫家必以此爲奇疾。視其服過藥單。以虛而補者有之。以血而破者有之。以祛祟安神者又有之。皆治不效。蓋未深思也。脈爲氣道。血賴氣生。若痰熱阻氣。則氣不先升降。故模糊不應指。而至數亦不明。表散逾分。則氣傷血亦與之俱傷。氣傷則氣不能下行。以滋培腰腎。血傷則血不能上行。以銜接清陽。艱於起坐者實因此。脈微係陽虛。舌亮無苔是陰虧。尤甚於陰陽虧。所謂血分無病者。在惡露仍行。氣能生血故也。昏譫浮腫。爲氣分痰飲所致。故曰病在氣分。切脈以沈分爲五。痰熱阻滯氣機。脈象反不能寧達於浮分。是以模糊不應指也。此病宜獨飲六神湯爲主劑。加減之最易著效。數人數易其方。未離其宗。不數日諸恙悉除。又用參芪歸藥等味。起居亦復常。越數日又請視。患口瘡數日矣。內

治外治。少不見輕。且飲食痛不可忍。此乃虛火炎上也。不得以尋常口瘡而忽視之。前則病在氣分。今則血虛而引動邪火。舌紅脈數爲陰虛。舌紅潤。脈又空數。陰中之陽亦見虛。卽以產後發熱例施之。未再劑而其病失。方用熟地歸身白芍炙草茯苓炮姜。以通草一兩煎湯煮藥。不用其質。所謂輕藥重用。取其引虛火下行最速也。

### 肝強脾弱積飲症治驗

名醫 錢文廣  
會員

張靜軒胃痛吞酸噯腐證。其人五旬餘。身強而瘦。善怒。素有煙癖。現已戒除。好嗜糖。十數年前。因飯後飲冷。積久而成。多經醫治無效。時發時止。逢春尤甚。發則四肢無力。腰骨倨癢。胃脘酸冷結痛拒按。推之則發醉聲。朝食暮吐。所吐之物。糟腐中兼有黏涎。酸氣觸鼻。不可以近。吐已則痛止。復食則又作。脈弦滑有力。苔膩厚而黃。口酸不渴。小便短赤。大便燥結。綜病因脈象斷之。乃肝強脾弱胃脘積飲證也。夫煙性燥瀉。最耗津液。故凡吸煙之人。多津液枯竭。既枯則肝木失養。肝木失

養。則肝陰虛而肝陽旺。肝陽既旺。則脾胃受尅。脾胃受尅。則脾胃弱。脾胃弱則遲。遲於運輸而停飲。兼之糖味甘而壅滿。助飲成痰。結於胃中。則機能停滯。食物因之不化。鬱爲濕熱。復得肝陽醞釀。變爲酸腐。隨痰吐出。經云。諸嘔吐酸。皆屬於熱。又云。肝主曲直。其色青。其味酸。其旺於春。故凡以上各證。皆木旺尅土之爲害也。所幸胃陽未傷。雖吐而仍能食。尙爲可治。擬以生於朮雲茯苓各八錢。扶土利溼。川黃連二錢。清熱。西當歸四錢。生白芍黃菊花各二錢。養肝。陳皮薑半夏各二錢。煨瓦楞四錢。開痰。旋覆花川花椒莫茺各二錢。降十餘帖。其病若失。後改用六君子湯。調理脾胃。以收全功。

### 精虛暈眩症治愈

各事 劉蔚楚

方伯張公。患暈眩。邀余往診。自言公事過勞。時覺頭重耳鳴。腰足痠軟。近則暈眩。眼見黑花昏亂。少頃方定。甚則頭目轉運。如坐舟車。喜臥不喜坐。其色困瘁。其脈沈澹。兩寸尤甚。而無數象。余曰。此精虛不足也。內經謂督脈實則脊強。虛則頭重。

高搖。腦爲髓海。海論謂髓海不足。則腦轉耳鳴。脛痠眩冒。目無所見。懈怠安臥。陳修園以此條病在上而根於下。欲榮其上。必灌其根。是矣。仍宜參孫一奎分精血虛。精氣虛。精血虛宜左歸飲一派。固知肺主出。腎主納。而非運以至精之氣。則無以輸精於體。走空竅而施精明。能藏而後能用理也。經曰。形歸氣。氣歸精。精歸化。又曰。精化爲氣。自然氣和。亦足以生精。又曰。人始生。先成精。精成而後腦髓生。則精與氣與腦之關係。不亦皎然乎。公早歲從戎。馳驅國事。稽勳授職。賢勞盡畫。精神上未免有傷。宜改安腎丸。先作湯劑。補精氣也。鹽水炒破故紙。胡蘆巴。山茱萸。各三錢。川續斷。雲苓。各二錢。茴香。六分。鹽水炒川棟子。六分。去桃杏仁。加瑣陽。杜仲。各三錢。肉苁蓉。枸杞子。各三錢。煎服。連治十日。暈眩畧定。去川棟子。茴香。川續斷。加兔絲子。巴戟。天淫。羊藿。各二錢。炙蛤蚧尾一錢。先煎醋淬磁石四錢等藥。時或兼以酒煮鹿茸五錢。麝香二釐。由督脈以通腦。精不足者。補之以味也。約治月餘。諸患漸已。乃以十精丸溫養之。

方出元和紀用經徐氏收入蘭台軌範

經云。初生之來謂之

精。兩精相搏謂之神。所以任物者謂之心。心有所憶謂之意。意之所存謂之志。因志而傳變謂之思。因思而遠慕謂之慮。因慮而處物謂之智。公心思勞動。傷及精神。徒重用參芪補其中上。不治其下。未為得法。即用參加入補精藥。以健精氣。亦宜少而勿多。庶能引參下入也。公移節他省。而道珍重。余亦南旋。憶孫公一奎。於量眩病。修舉前賢諸說。慎重透晰。無一非仁人之言。若西人說腦說精確甚。禮親王囑亭雜錄。亦言親驗近外腎下。內有精囊。命門當在此處。如其言。命門自有養生之真火。火能溫養便是氣。今不賢。治此病全在用藥合法。觀於喻公寓意草。治金道賓前後兩案。應如何用藥使知。且不但用補藥。性有界限等差。即攻散滋清。何莫不然。因著案存記。庶他時用藥。免蹈腦力之太勞。

### 蜈蚣入腹治法

名醫 沈仲圭選

有村店婦人。因用火筒吹火。不知筒中藏有一蜈蚣。用以吹火。蜈蚣驚迸。竄入喉中。不覺下胸臆。婦求救無措。適有過客。教取水絳皂一口。切斷喉。取其熱血。將蠟

飲之。須臾以生油一口灌入。遂惡心。其蜈蚣滾在血中吐出。復以雄黃研末。與服而愈。

圭按毒蟲誤入胃中。若不急急取出。爲害甚巨。此案以豬血裹蟲。使之不至狂動。而傷胃黏膜。復以生油探吐。更以雄黃解毒。層次井然。殊堪效則。然在今日。祇須以洗胃器滌胃。蜈蚣自隨水而出。毋庸用此法矣。

### 寒霍亂治驗

張巨川

第一中校學生張國正。五月間患吐瀉病。日夜無數。兼之頭痛。身疼。發熱。惡寒。口中和。經王醫診視云。是熱霍亂挾痧疹症。先行刮放。繼投以大苦寒之劑。服後吐瀉益劇。身疼寒熱如故。又延某醫診治。亦云是熱霍亂病。以藿香正氣散投。仍罔效。且飲水一口。隨即吐出。如是者三日夜。無法服藥。求治於余。余診其脈。右寸較大。餘皆沉細而微。余曰。此乃寒霍亂病。並非熱霍亂也。蓋熱霍亂症。必口渴欲飲冷水。舌紅面赤。嘔吐酸臭。心胸煥熱。小便色赤。大便所瀉之物。覺如沸湯之熱。脈

沉數。今詢其吐瀉俱清水。並不覺熱。又兼四肢厥逆。雖渴而喜飲熱湯。舌白面青。必爲寒霍亂無疑。夫病本爲寒濕。而再以涼藥投之。不是中虛。而復以藿香等味辛散之。脾胃愈傷。無怪乎其病增劇也。要知平人不吐者。胃氣下降也。平人不瀉者。脾氣上升也。平人不頭疼身疼發熱惡寒者。中氣健旺。榮衛調和也。今因其素日中氣不旺。又加之以食寒飲冷。傷其脾胃。凝滯不化。於是胃氣上逆而作吐。脾氣下陷而作瀉。榮衛爲外邪所傷。是以頭痛身疼發熱惡寒。此吐瀉病之所由作也。治法仍宜由中焦着手。俾中氣健旺。脾胃之升降自復。寒熱身痛自愈。爰做仲景治寒霍亂法。先用開水送下代赭石細末三錢。其吐立止。卽能進藥。繼投以理中湯一劑。瀉亦減強半。又倍黨參加硃砂山萸肉山藥。服二帖諸病悉愈。至於熱霍亂之病。有用五苓散治愈者。有用井中新汲涼水治愈者。亦有用西瓜飽食治愈者。萬不可施之寒霍亂。猶如理中四逆之不可施之熱霍亂也。

(藥物類)



## 中國藥品在美國暢銷

錄自天時報

與歐戰同時。日本已重行恢復華藥。一時進行之勢。非常迅速。目今凡特種之藥品。在日本已有相當之歡迎。從來所謂中國藥者。並未經科學的製造。唯就五十年來之研究與經驗。實決不可以輕易視之。其有熱心研究之德國人。已於三四十年前著手調查華藥。近年來聞已有用華藥為原料。以科學的方法。所精製之藥品。出現於市上。最近在美國西海岸地方。對於華醫方之信用。幾有與日俱進之勢。美人消費於中國醫之藥價。已達意外之巨額。聞目下中國醫。以藥店之形式。為人治病者。凡有患者。診視其病後。即為之煎藥使飲。然後向其領取醫藥等費。現在美國桑港。計有華醫七人。顧客莫不擁擠異常。凡患病者。皆按次順序診視。若果不先行預約。則終日屢有不得就診之勢。而醫者方面。亦於是遂有屋小人多。不能收容顧客患者之事。因此之故。始有漸次推廣房屋。以便患者云云。

編者曰。吾閱此報。益信岐黃絕學。萬無廢墜之理。先聖有言。不患人之不已知。

患其不能也。吾人對於國學。惟患研之不精。習之不深。保存之不力。發揮之不  
 大。道之將行。道之將廢。何必斤斤焉爭一教部所謂之系統。更何必斷斷焉與  
 彼為敵哉。天子失官。學在四夷。此吾子所以有乘桴浮海之意也。

(方劑類)

辟疫丹

真正麝香 五錢 老山明雄 十二兩 白崖個硃砂 十二兩 梅片 五錢 明礬 二兩  
 石 四兩 鞞渤 五錢 火硝 八錢 神金 四把(即四百張) 西月

共為細末。用小磁瓶三千個。每瓶盛一分。黃臘丸封口。萬勿透氣。能救活六七  
 千人。

治法。每一病者。用藥末三四厘。以二厘入肚臍上。蓋以小膏藥。以一厘點舌尖  
 上面。以一厘分點兩大眼角。專治虎列拉百斯篤等急症。腹痛急。吐瀉。針不出  
 血。主已死者皆治。有起死回生之力。孕婦禁用。

第三十四期 藥通門

七十八

接近日晉北戰事終了。疫癘漸行。來歲春氣勃發大疫尤爲可慮。古人辟瘟之方不少。惟此方最爲有效。茲特錄出。如有仁人善士。及早修合。以待應用。功德无量。編者附識

## 醫 案 門

## 關於心理之治療

吳鞠通醫案

名譽理事 楊星垣選錄

鮑生三十二歲大狂七年。先因功名不遂而病。本京先醫市醫儒醫已歷不少。既而徽州醫、杭州醫、蘇州醫、湖北醫所閱之醫不下數十百矣。大概補虛者多。攻實少。間而已。時不旋踵而即發。吳鞠通初診時。見其蓬首垢面。下面俱赤。衣不遮身。隨着隨毀。門牕粉粹。隨釘隨拆。鑊靠手足。外有鐵索鋼鎖大石磨盤上。言語之亂。形體之羸。更不待言。細詢其情。每日非見婦人不可。婦人不願見。彼竟鬧不可言。叫號聲嘶哀鳴。令人不忍聞。只得令伊姬妾強侍之。然後少安。次日仍然。無一日之空。診其脈。六部弦長而勁。鞠通曰。此實症。非虛症也。於是用極苦以瀉心膽二經之火。瀉心者必瀉小腸。病在臟。治其腑也。膽無出路。借小腸以爲出路。亦必瀉小腸也。即用龍膽草、天冬、細生地、胡黃連、麥冬、粉丹皮等各三錢。令病者分三次

服。服二帖大效。妄語少而舉動安靜。見其效也。以爲久病體虛恐過剛則折用病減者減其製例。於原方減苦藥。加補陰之甘潤。病家來告云。昨服改方二帖。病勢大重。較前之叫哮妄語。加數倍之多。無一刻之靜。此症想不能治。諒其必死。先生可不必再診矣。鞠通曰不然。初用重劑而大效。繼用輕劑加補陰而大重。吾知進退矣。復診其脈。弦長而數。於是重用苦藥。如龍膽草、天冬、真雅連、洋蘆薈、麥冬、烏梅肉、胡黃連、秋石、煮三椀。令病者分三次服。服此方一氣六帖。一日較一日大效。至數日大爲明白。鞠通告病者曰。爾得病之由。因伊念頭之差。因未識文章至高之境。卽能至高。尙有命在。非人力所能強爲。何怒之有。人生以體親心爲孝。痛乎責之。病者遂俯首無辭。以後漸減苦藥。加補陰。半月以後。去刑具。着衣冠。同跪拜。神識與好人無異。服真翁大生膏一料而大莊。下科竟中矣。

通訊門

張效宗上會長書 續三十三期

(1)  $\text{CH}_3\text{OH}$  methylalkohol

用木精六瓦乃至十二瓦以飼家兔。無變化。

(2)  $\text{CH}_3\text{CH}_2\text{OH}$  ethylalkohol

酒精七瓦則呈酪酐狀。可睡眠十二鐘。

(3)  $\text{CH}_3\text{CH}_2\text{CH}_2\text{OH}$  propylalkohol

普羅秘魯酒精十二瓦則睡眠而死

(4)  $\text{CH}_3\text{CH}_2\text{CH}_2\text{CH}_2\text{OH}$  normaler Butylalkohol


正補啓魯酒精三瓦。呈酪酐狀。七瓦則睡眠而死。

(5)  $\begin{matrix} \text{CH}_3 \\ \text{CH}_3 \end{matrix} \text{V} \text{CH} \text{CH}_2 \text{CH}_2\text{OH}$  Tsamylalkohol

異素阿米魯酒精二瓦而半睡。



二美啓魯佳兒必諾二瓦而半睡。




二埃啓魯美啓魯佳兒必諾四瓦而半睡。



二埃啓魯佳兒必諾二瓦而半睡。



三美啓魯佳兒必諾四瓦而半睡。



二美啓魯埃啓魯佳兒必諾二瓦。可睡眠八鐘乃至十二鐘。



三埃啓魯一瓦。可睡眠十鐘乃至十二鐘。

是以知亞洛啓魯之藥効。與亞洛啓魯巴爾必圖兒酸有一脈之關係。第其藥効之強弱。又視其對於類脂肪及水之溶解度以爲定。溶解度大者。効力亦大。溶解度小者。効力亦弱。此高級炭素體之所以無力也。凡藥物皆有一定之構造。皆具特有之性質。觀上所述。因其構造之毫釐變化。及於生體之影響自異。依其用量之多寡。則變藥而爲毒。蓋人體之組成。依醫化學之分類。其主成分爲蛋白質。含水炭素。脂肪。灰分及水五者。然其治療上之生活體。唯膠質。晶質及水三者而已。其性質作用。東西醫藥學者持說各有小異。然其維持生體內之化學平衡。已成爲鐵案。其對於藥物之反應。顯非化學藥品可比。其銳敏度者。故藥物而得其當。則反應而作用於疾病。不得其當。則作用於生體。所謂中毒者此也。况配合數藥而不知各藥之性。則各藥之間。互相反應。每生他種毒物。夫用毒物於生體。危險曷堪設想。是故文明各國。對於醫生之責任。載在法律。對於藥品。則設鑑定之局。



不容任意販賣。危及衆生。雖然。化學製品。檢其純否。尙屬易事。至如生藥。其成分之含量。因地而不同。其作用因採集之時期而大異。即同一生藥。而根莖木皮亦各異其集成。非有專門之知識及熟練之技能。實難檢求。是以產地。外觀。部位之考查及其顯微之觀察。爲不可少之豫備試驗。知其大畧。定以標準。然後抽出其成分。求其生理之作用。一定之順序也。未完

### 章納川君論用成方宜慎

同是一證。每多寒熱虛實之不同。雖有極善極美之成方。不明寒熱虛實者不可輕用。蓋用之不效者類類。用之速其斃者亦類類。余觀陽越一證。其病人臥在第三四進之後。能知門外之事。或醫生始到門。病人便云。某醫已到門前。來爲我診視。然不治猶可。若治我必死矣。病人在內而能知外事者。或謂此乃病鬼之靈。古所謂二豎是也。蓋病鬼畏醫。故託病者之言耳。及至醫到狀前。病鬼懼醫。不敢復言。其方用附子理中湯而愈。余初意爲此症奇異。必無偶者。倘遇此症。用附子理

中湯。可坦然無疑矣。詎知傷寒溫症中亦有是證。其現證一與上相同。而疏方則用犀角元參竹瀝竹黃生石膏知母。即下法亦可施用。兩方較比。一寒一熱。大相逕庭。若傷寒陽越而用附子理中湯。中虛陽越而用犀角知母等類。豈不速其斃乎。又治無故流乳。察係陽升所致。方用甘露飲加三甲女貞子。後復見乳汁自流。則係氣血大虛。方用十全大補湯。又與甘露飲相隔天淵。此亦現症同而病根迥異故也。又曩視一證。據病家告述病情。係似疝氣。檢閱前方。亦是疝證之藥。兩旬未愈。及至診視。左關弦洪帶急。余知疝氣乃肝寒之症。今肝脈弦洪。乃厥陰濕熱所致耳。方與川連車前金鈴赤苓烏藥青皮薏仁通草寒水石。一劑知。二劑霍然。後見王孟英醫按亦有是證。彼曰濕熱如疝。羣丸腫大。必偏于右。詢之果然。以一反三。可知疝氣羣丸腫大。必偏於左矣。亦可爲審疝證之一得也。夫成方須善用。尤須要認真選定。如小兒確質慢驚。諸方少見效力。如用逐寒蕩驚湯。真有起回生之能。大人狂血止之爲難。用純紹酒煎大當歸二兩。不但可止血。而且能斷根。

又參茸活絡丸。本爲中風而設。而不知用之有時。初中不知人事之候。用活絡丸。開竅祛風通絡有效。若已醒多日。再吞活絡丸。望除病反致傾事。因此丸中有麝香。久久服之。而心竅自開。風入於心。則靈機反閉。與痴人無異矣。可知用藥有時。不可執一對證之方。以爲終症之器。要知病有寒熱虛實之不同。藥有前後緩急之相應。成方雖美。對於疑似之證。慎毋忘投也。

### 廣東中醫專門學校致本會緘

〔上畧〕中國醫學發明最早。素靈精義。千古不磨。晚近西醫盛行。而國學幾有淪亡之慨。同人等怒焉憂之。特創設中醫藥專門學校。培植人才。以圖補救。成立於甲子秋仲。教授歷兩學年。延聘通儒。根據古籍。編纂講義及教科書。俾成有系統之科學。復輯錄雜誌。以備鑽研。茲送上一冊。希爲賜教。貴會著述已出版者。請各惠賜一份。尤所欣盼。守缺抱殘。冀斯文之未喪。氣求聲應。幸吾道之不孤。區區下忱。希垂察焉云云。

# 報告門

## 繁峙縣報告發生疫症

據繁峙縣報告。縣屬第四區各村。時疫流行。一種爲頭昏痛。身發軟。繼而腹瀉痢疾。斃命者最速。一種爲四肢發涼。周身戰慄。類似傷寒。斃命者較少。由省署囑會擬方以憑轉飭施治。按近日北路發生各種疫症。病狀雖不一律。而原因大致相同。由於作戰時期。人民避處山谷地窖之中。感受陰溼。伏邪致傷脾陽。兼以腐尸穢氣。與內伏溼濁之氣相引。感受深者。則有頭昏身軟瀉痢等現象。感受較淺。而兼新感風寒者。則有四肢發涼。周身寒戰等現象。治法總以芳香逐穢。除溼宣脾爲要。新感冒者。酌加表散之劑。惟甚是溼濁雜感。有寒有熱。傳變不一。氣分血分不可籠統。是又非臨牀診察。不能得其真相者矣。擬方於左。用是亦勿拘執。

普通治法。以上二証均宜先服麝雄丸二十九。開竅逐穢。

第三十四期 報告門

八十八

治頭昏痛身軟瀉痢擬方

蒼朮

製錢半

白朮

生二錢

川厚朴

錢半

綿茵陳

三錢

羌

活

一錢

防風

一錢

白芷

一錢

川芎

一錢

建神麴

二錢

防已

錢半

秦皮

二錢

水煎

溫服

治肢冷寒戰擬方

陳麻黃苗

五分

淡豆豉

三錢

荆芥

錢半

防風

錢半

蒼朮

錢

厚朴

錢半

陳皮

錢半

綿茵陳

三錢

葱白

三寸

煎服

朔縣報告發生疫症

據朔縣報告縣境發現一種黃疸症。傳染甚速。初患時身軟四肢麻酸頭暈發熱。若照寒症醫治。即成不治之症。嗣後審係黃疸病。服利小便藥。全身發黃。數日即愈。惟孕婦一染即斃。由省署囑會研究擬方以憑轉飭施治。按此症亦係溼熱蘊鬱。兼受穢濁之氣所致。是以身軟四肢酸麻。其頭暈發熱。則痧症及外感均有此現象。初起總宜用芳香辛散逐穢利溼之品。擬方

佩蘭葉 三錢 藿香葉 二錢 香

白芷 錢半 製香附 二錢 南蘇葉 一錢 陳橘皮 一錢 廣橘絡 二錢 川鬱金 二錢 研薄荷

葉<sup>二錢</sup> 滑石粉<sup>二錢</sup> 綿茵陳<sup>三錢</sup> 水煎溫服。服後熱湯取微汗。若口渴加黃芩

二錢 花粉<sup>二錢</sup> 生石膏<sup>三錢</sup> 如小便過於不利。加茯苓猪苓木通之類。如已

發黃而小便不利。口渴脈數者為陽黃症。仍用前方。去香附蘇葉。加生石膏茯苓

梔子澤瀉白朮猪苓之類。如已發黃而小便不利。四肢冷。口乾不欲飲。脈細小

者。為陰黃症。仍用前方。去香附蘇葉。加當歸<sup>二錢</sup> 炒白芍<sup>二錢</sup> 白朮<sup>二錢</sup> 肉桂<sup>三</sup>

四分 孕婦患此。亦用前方去滑石。即木通猪苓澤瀉亦皆不宜用。

平魯縣報告疫症

據平魯縣報告縣境因兵燹之後。發生一種疫症。初起頭重腦暈胸滿不思飲食。漸至嘔吐黃水。目珠皮膚發黃。小便赤色。三數日即斃。由省署囑會研究擬方以憑轉飭施治。按此症與朔縣發生之黃疸症大致相同。總由溼熱穢濁之氣蘊結臟腑所致。亟宜用香開利溼逐穢之品。擬方

〔初起〕先服麝雄丸二十粒。或玉樞丹七八分。甚至一錢。用以開竅逐穢。宣通中

焦〔繼服方〕 佩蘭葉 三錢 廣藿香 二錢 香白芷 錢半 製香附 二錢 廣陳皮 錢半  
 川鬱金 二錢 薄荷 二錢 綿茵陳 三錢 川厚朴 二錢 滑石粉 三錢 焦山梔 二錢 水煎  
 溫服。用以開鬱去溼。通利下焦。

南通預防春季白喉痘疫之通告

近數月來。南通久旱不雨。天氣寒燥不時。人民均稱口渴咽涸。白喉痘疫亦漸發生。特開醫學研究會。聯絡中西醫藥觀摩會馮薇馨。互相研究預防白喉痘疫兩症。白喉症狀。初起頭痛發熱。咽喉劇痛。漸生白斑。食不下咽。甚至漲塞氣管。即將不治。萬一心臟麻痺更無施救之方。攷其原因。確為一種爛喉痧菌之傳染。該菌非用顯微鏡不能見之。患者之痰沫鼻涕。以及其使用之器具。多有爛喉痧菌。其預防之法。注射白喉血清一二次。自可無虞。是時對於患者痰沫。及其使用之物。宜速投消毒藥水。掃除病菌。設或不慎。傳染斯病。仍用白喉血清屢次注射。即可保其生命。如用白喉書中之除瘟化毒湯。養陰清肺湯。不但煎煮需時。不能速服。

亦有水火失度。藥去本性。其功效反不若注射血清之速。故用血清注射。痘症俗名天花。初起發寒發熱。周身疼痛。口渴苔白。三四日後臉發紅斑。漸及全身。再至三日紅斑突起。變成黃色。體溫增進。奇癢難受。痘色紫黑。命在旦夕。探其傳染。爲痘內漿痂。今欲預防斯禍。無論大人小兒。每年種痘一次。即可免其發生。詳言之。此種痘疫。公共場所最易罹之。管理公共衛生人員。在此時期。實負有重大之責任。必須兼擅中西醫理。始能達公共衛生防禦疫症之目的。否則痘疫發生。必至束手。如於無可設法之中。強爲設法。惟有用道光丁酉宛寧朱臣瀆痘疹集成。擇方加減調治。或可暫遏病勢之蔓延。此乃醫學研究會與中西醫藥觀摩會馮薇馨互相研究經驗之法也。無奈南通人士。風氣仍未大開。或固執中醫之陳說。或信仰西醫爲萬能。均非中正之道。茲特除上預防白喉注射血清。預防痘疫。廣種牛痘外。又與中西醫藥觀摩會馮薇馨研究預防白喉痘疫各種單方如左。以備衛生家之採用焉。



### 預防白喉中藥單方

薄荷葉 一錢二分 大麥冬 三錢 元參 四錢 貫衆 三錢 清水一扣碗。一厨工扣菜之碗。煎至半碗。以綢濾去渣。加酒精少許。貯入瓶中。每二時服一茶匙。方用薄荷散風解鬱。麥冬潤肺清心。元參有止渴之效。貫衆有消毒之功。毒消渴止。則咽痛可免。肺潤鬱解。則喉患不發矣。

### 西藥嗽口料

鹽剝 五〇 錫水 二〇〇 〇 爲含嗽料。鹽剝性涼。有清咽潤燥之效。味鹹。有滅菌消毒之功。用之嗽口亦佳。故附於此。

### 預防痘疫中藥之單方

紫草 四錢 硃砂 一錢五分 赤芍 五錢 丹皮 二錢 四物研末。以蜜爲丸。三日分服。每日服三次。服完再購右方兩料爲丸。連服六日最佳。方用紫草硃砂。能解血中之毒。赤芍丹皮。可行血中之滯。毒解滯行。則痘可免矣。

## 西藥外拭料

石炭酸 三・〇 掘利設林 一・〇 餹水 五・〇 調和。浸於海綿。拭全身。每日二回。石炭酸色白味臭之物。有防疫消毒之效能。掘利設林。無色無臭之液體。有軟化局處之作用。故以此藥預防痘疫。亦能奏效。

# 雜俎門

## 醫科

醫賡云。醫之立科。歷代不同。周四科。疾醫、瘍醫、食醫、獸醫。見周禮。唐七科。體療、少小、耳目、口齒、角法、按摩、咒禁。見六典。宋設三科教之。曰方脈科、針科、瘍科。見選舉志。又太醫局有丞。有教授。有九科。見職官志。而九科無考。金十科亦無考矣。元十三科。大方脈雜醫科、小方脈科、風科、產科、兼婦人雜病科、眼科、口齒兼咽喉科、正骨兼金鏃科、瘡腫科、鍼灸科、祝由科。見輟畊錄。案得效方同惟除祝由科輟畊錄續文獻通考無風科婦人產科為一科有傷寒科明十三科。大方脈科、傷寒科、小方脈科、婦人科、口齒科、咽喉科、外科、正骨科、痘疹科、眼科、鍼灸科、出明會典。按吾學編十三科曰大方脈曰小方脈曰婦人曰瘡瘍曰針灸曰眼曰口齒曰接骨曰傷寒曰咽喉曰金鏃曰按摩曰祝由按摩以消息導引之法除人入疾祝由以骨曰禁除邪魅之為厲者二科今無傳致會典凡十一科乃除按摩祝由二科也古今醫統古十四科更有脾胃科李樓小仙雜錄與吾學編同無按摩科以口齒咽喉

醫科養生科有風  
清十一科。曰大方脈小方脈傷寒科婦女子科瘡瘍科針灸科眼科口  
齒科咽喉科正骨科疹痘科今痘疹科歸小方脈咽喉口齒共為一科現警九科。  
見清會典。王子接十三科古方選註傷寒科內科外科針灸科痘疹科眼科  
無金鐵按摩祝由有痘科疹科  
分針與灸為二科未知何據也

## 星期徵稿選刊

### 問傷寒寒火二證脈證之辨

李福昌

治傷寒雖有陰陽六經之分。質而言之。無論何經何證。總不外乎火寒二證而已。夫火與寒之分別。在口渴與不渴。渴而消水與不消水。飲食喜熱與冷。煩燥與厥逆。溺之長短赤白。便之澀結。舌苔黃潤與黑硬。脈之沉遲數實長大。用力按之減與不減。假如口渴而多消水。喜冷飲食。煩燥暴動。溺短赤。便乾鞭。或下黑粘之糞。舌苔紫黑有芒刺。用手抹之。遍體焦乾。芒刺甚硬似炭。脈來實急長大。以浮中沉取之。固實不散。必爲火證。假如口不渴。或渴而不能消水。喜熱飲。手足厥逆。欲近衣被。安臥。溺清白長。便澀稀。舌苔滑白。且光潤有津。脈微細沉。倘用力緊按尺部。而關脈不見。緊按關部。而寸脈不見者。定爲寒證。此辨火證寒證之大畧也。此外又有真寒假熱。假寒真熱。尤須詳辨也。如病者口不渴而遍體溫和。微寒熱往來。

醫

學

雜

誌

07

六脈初見沉瀟弱弦微。繼漸見浮大數動滑等。其火熱由內以蒸達於外。故外似寒而內實火。此卽真熱假寒證。又見傷寒論厥陰篇云。厥微熱微。而厥深熱深。此證常人忽之最多。因易見寒而難見熱。亦屬真熱假寒。假如病者口渴不能消水。遍體發火。而偏欲近衣被。舌苔紫黑似有刺。抹之甚滑利。脈來洪大。用力按之輒散。此乃元陽火內虛。而孤陽火外越。實屬真寒假熱。又如醫門法律喻嘉言治徐國楨之醫案。傷寒六七日。身熱目赤。索水到前。復置不飲。異常大燥。更求入井。喻氏謂曰。此人參附子乾薑之證。蓋因陽欲暴脫。外顯假熱。內實有真寒之證。又如去年冬天地壇一小學生傷寒。遍身發火。舌苔焦黑。脈七八至。大渴不飲。暴動亦欲入井。少腹硬痛。醫者口言大火之證。無從著手。後遇名醫某獨用大劑半夏瀉心湯。應手輒効。此亦真寒假熱之類也。况古人又言少陰多內真寒外假熱。厥陰多內真熱外假。寒噫讀傷寒者。能將火寒二證與脈。深加討論。分別清楚。思過半矣。

第三十四期 星期一 醫藥雜刊

九十八

## 問結胸虛煩二症相似而實不同其分別何在 賈鴻儒

按二症頗相似。易忽畧。謹據經義不同之點而互較之以研究焉。論曰病發於陽而反下之。熱入因作結胸。曰傷寒。醫以丸藥大下之。身熱不去微煩者。是皆因下之不當也。但熱入於裡。則身無熱。爲結胸。身熱不去。邪未盡入。爲虛煩。曰結胸熱實。脈沉而緊。心下痛。按之石鞭。曰身熱不去。心中結痛。是皆結痛也。但一爲胸中熱實。熱氣已收斂於內。爲實邪。一爲熱客胸中。未結爲實。熱氣仍漫於外。爲虛邪。曰按之痛。按之石鞭。從心下至少腹鞭滿而不可近。心中懊懣。曰胸中窒者。心中結痛。心煩腹滿。心中懊懣。是皆心中懊懣也。但結胸按之痛且石鞭。而虛煩僅曰胸中窒。結胸從心下至少腹鞭滿而痛不可近。而虛煩僅曰心中結痛。心煩腹滿。結胸之痛痛之甚。虛煩之痛則較輕。總之結煩之狀。按之痛。寸脈浮。關脈沉。虛煩之狀不得眠。劇者必反覆顛倒。結胸爲邪正共結。虛煩爲心腎不交。醫者宜判別也。

# 針灸討論會治法選刊

## 補瀉九六次數論

趙 熙

補數用九。瀉數用六。此定法也。諸家皆同。故補有初九數。少陽數。老陽數。瀉有初六數。少陰數。老陰數。曰老陽。曰老陰。以爲補瀉法盡。不宜再施。其實泥矣。補瀉手數。不在久暫多寡。而在病情輕重。邪重而深者。老陰數施盡而邪不退。邪輕而淺者。不待老陰數施畢而邪已退。氣虛而甚者。老陽數施盡而氣未足。氣虛未甚者。不待老陽數施畢而氣已足。補瀉手數。以病之淺深輕重爲斷。非可預爲切定也。病邪瀉盡未瀉盡。正氣補足未補足。又以脈象鍼下爲斷。如脈數爲火。瀉久數脈變緩者。火退也。火退則出鍼。脈微爲虛。補久而微脈變大者。正足也。正足則出鍼。一面補瀉。一面驗脈。補瀉數手而病愈者。不爲少。補瀉數十手而病在者。不妨再施。至鍼下氣來鬆緊。尤爲補瀉久暫多少之的。鍼下氣猶緊。雖九六數畢。還須再



施。鍼下氣已鬆。雖略施數手。不爲貽患。補瀉數手。無非爲損有餘而益不足。補扶正氣。瀉除邪氣。行針停針。以針下鬆緊爲權衡。針下氣果鬆。邪氣退而穀氣來。是

不出針不得矣。即病有未愈。非治本遺標。治標遺本。主客失治之故。亦是辨經未確。認病未真之因。甚或病久邪深。經絡牽連閉塞。通一經而未通他經。邪暫退而少後又合。種種病因。未可謂鍼法不效。出鍼以穀氣至準病。或不愈。再診再治。未可執也。亦未可恃也。

內經言刺衛者無傷營。刺營者無傷衛。夫營衛氣各不同。而在內在外亦有別。衛氣僅分晝夜。營氣則按十二時流注。試詳言其理。

衛允如

用鍼治病。其經絡臟腑之關係。營衛之淺深。靈素論之最詳。如刺皮無傷肉。刺肉無傷筋。刺筋無傷骨之義。均爲鍼法之大要。若邪淺針深。則邪氣反沉。邪深針淺。則氣壅胎害。是不可不知也。夫以針治病。實較藥力爲神速。但用針之際。必審其

病之所在而刺之。故刺衛者無傷營。刺營者無傷衛。衛者陽也。衛氣主外。刺欲其淺。故側臥其針而刺之。則針鋒橫達而不及於營。即靈樞所謂浮刺之法也。營者陰也。而在內。勅營者先以左手攝按所針榮俞之處。氣散乃納針。使衛氣暫離散其處。則針得直至營而不犯衛也。即內經所謂捫而循之。切而散之之法也。是以營衛有病。各中其所。不得誅伐無過也。夫營者血也。衛者氣也。營行脈中。衛行脈外。營氣生於中焦。受氣取汁。全憑水穀人胃。奉心化赤。以榮臟腑。濡經脈。利關節者也。衛氣出於下焦之氣海。上輸於肺。行於臟腑。由內而達外。溫肌肉。充皮膚。肥腠理。司開闔者也。是營主裏而爲衛之守也。衛主外而爲營之護也。是營衛之氣各有區分而不同。夫衛氣晝行於陽二十五度。夜行於陰二十五度。分爲晝夜。故行陽則寤。行陰則寐。是以太陽主外。大陰主內。各行二十五度。平旦陰盡而陽受氣矣。夫營氣生於中焦。行於經隧之中。經云。經脈者。行血氣。通陰陽。常營無已。終而復始。達於上下。循環無端。轉相灌溉。按十二時而流注於各經。以針治病。隨各

經流注而取之。其始也。由寅時從中焦流注於手太陰肺經。卯時注手陽明大腸經。辰時注足陽明胃經。巳時注足太陰脾經。午時注手少陰心經。未時注手太陽小腸經。申時注足太陽膀胱經。酉時注足少陰腎經。戌時注手厥陰心包絡。亥時注手少陽三焦經。子時注足少陽膽經。丑時注足厥陰肝經。寅時復返於肺。循環無已。是卽營氣之所行也。針刺之道。必知營衛之流行。經脈之往來。隨其順逆而取之。虛則補其母。盛則瀉其子。譬如刺肺經者。虛則補土以生金。補用卯時。盛則瀉其所生之水。於流注之寅時而瀉之。則諸經可類推矣。

### 編輯處啟事

啓者古今醫案充棟汗牛竊謂案者法也老吏斷獄錄案如山熟於法耳若平  
無奇或以病試藥偶然倖中者似未可以案稱本雜誌醫案門多選古人精粹良  
法畧別種類分期登載現仍資料無多凡我同人熟於前輩醫案醫界舊聞名醫  
歷史筆記瑣錄之類望祈隨時抄示俾便分登一俟哀集較多彙刊成帙定當奉  
酬若干册以副雅贖不勝企盼之至 趙百城謹啓

### \*楊如侯先生靈素生理新論出版廣告 是書原擬刷印

一千部嗣以不敷銷售特再加印五百部以公同好兼爲振興國學溝通中西起  
見將本書原價定爲實碼八折每部售洋三元二角其整購十部者另贈一部遠  
道並免去郵費以期普及郵票代洋九五折算書存無多購請從速

### 代售處山西省城

中醫改進研究會  
橋頭街航慈醫院

第三十四期 廣告門

一百〇四

### 中醫雜誌

上海中醫學會出版

- 〔一〕(內容)分專著學說醫案筆記藥物學驗方釋辯錄會務紀載等十餘欄皆屬近代名賢精心結撰之作已出至十七期
- 〔二〕(定價)每册大洋二角五分購滿六册者減售一元四角
- 〔三〕(郵費)國內每册三分國外八分多則照加掛號另加五分
- 〔四〕(函購)郵局不能兌匯之處可以郵票代現惟須照九五折計算
- 〔五〕(彙選)第一至四期均已售罄特刊彙選發行上下二册實價一元二角郵費八分
- 〔六〕(附誌)第五期已售盡本會員通信處詳載紀念册以便互通消息每册售洋五分

總發行所 上海西門內石皮弄中醫學會雜誌社發行部

張壽甫先生四期衷中參西錄每部定價一元郵費五分滄州立達醫院發售

### 報告醫界同人書

張錫純

敬啓者鄙人因滄州屢經兵燹實難寧居准於仲春月底移居天津醫界同人有寄函及購拙著者乞寄天津法界廣德里張氏施診所鄙人收可也肅此敬告即頌公安

### 介紹浙江紹興醫藥月報

紹興醫藥月報為浙紹何廉臣先生編輯內容精美每月一期定價一角全年一元半年五角五分郵費每期五釐全年六分民國十三年正月出版發行所紹城石門橋紹興醫藥月報社及紹城大街天芝堂藥號

### 三三醫書創刊啓

癸亥夏本社主任裘君吉生以歷年所獲醫家秘笈並同社投寄著述擬付刊傳世遂遷杭垣蓋為印刷便利計也詎醫報改組不數期而承印之武林印書館適遭鄰火稿亦被焚幸醫書尚在編輯中未見波及然因之遲誤半載現荷文化印書局倪君曼天與弘文印書局蔡君貽最綏以最低工價許即承印今將第一集先由弘文代印仍本醫者須讀三世書求三年艾方能三折肱之義名曰三三醫書以短篇不成卷冊之稿已刊三三醫報按旬發行而版卷專書自應單行印傳爰定每集三十三種每種一卷或數卷不等分訂洋裝本限一個月至少出版三種速則三個月出版一集以極廉之價收回成本三期分繳第一期洋三元三角惠到即將已出版者先行郵奉出書至三分之一再惠第二期洋三元三角出書至三分之一即將第三期三元三角惠清除面取外每次加郵費三角三分其洋倘荷一次所惠兩期則第三期得以免繳以答高誼此舉成本浩大每集祇印三百三十部無論何種概不零售完以後亦不再版有人翻印無任歡迎對於未主亦懇奉送一集決算苟有餘利誓必貼入二集多印大部書稿尚有第一集稿及付刊之稿第二集自當編入第二集正在選輯稿憲行世者速行寄社

第三十四期 廣告門

一頁〇五

中華民國十三年三月三日三三醫社敬啓

第三十四期 廣告門

### 三三醫報發行廣告

每旬 一册 十二年七月三日第一期出版

編輯者 紹興裘吉

發行者 三三醫報社

印刷者 武林印書館

寄售處 各省大書坊

定價表費須先惠

冊數	冊全年三十三冊
定價	角三元
郵本國五	厘一角六分五厘
日本五	厘一角六分五厘
費外國二	分六角六分

二五〇六

### 中風辨證發行廣告

全部三卷

定價 官堆紙每部 壹元伍角 重太紙每部 壹元 實洋

著者 嘉定山雷張壽頤

總發行者 蘭谿中醫學校

印刷者 蘭谿福華石印所

## 江蘇全省中醫聯合會

〔出版月刊增刊〕

月刊分常評言論專件專著筆記研究雜錄消息編輯課本等類以發揚國粹聯絡感情爲宗旨增刊分學說醫案筆記表解選方醫籍考驗方等類每期限一病以專研究合裝一冊已出四十三期定價每期五分郵費一分全年連郵六角六分第一至二十期已售罄二十一期至四十期裝有彙編每冊半元寄費五分總發行所上海西門內廣益中醫院

### 贈送醫醫醫病集

醫醫醫病集爲上海黃社出版一二兩集風行海內現因戰爭關係致第三集不克出版（按所有定款通知退回）今該集廢餘尙多請附郵票十分寄上海王信義濱醫藥圖書館黃社善後辦事處立刻奉上



### 嚴氏金匱廣義出廣告

是書爲慈谿嚴鴻志先生所著內容精美外觀雋雅洋裝兩巨冊定價大洋壹元貳角現售照碼九折十部以上八折連郵費在內以十三年舊曆十二月爲限限滿不折不扣發行處在甯波慈谿東鄉費家市嚴氏養正學校遠地如以郵票代洋准三分以下之郵票爲合格按九五折計算書印無多購請從速

慈谿中醫學會同人公啓

### 張贊臣徵集驗方

敬啓者贊臣每念病家疾若纏綿欲求其速愈而不得者深爲憫惜竊之不才擬集古今驗方彙纂成冊貢獻於世俾抱病者得以按方治病可無採薪之憂也如荷熱心同志惠賜驗方須以經驗實效信而有證者無任感禱惠賜諸君請於方後一一說明如何實效如何試驗因古今以來名爲驗方而充棟汗牛其效者鮮驗者寡也凡我同志隨時抄示一俟彙集較多卽行彙刊成帙定當奉酬若干冊以副雅贖不勝企盼姓字住址務乞另紙書明以便函候教一贊臣常寓上海二馬路雲南路口安康里第二百二十七號內如荷賜教無不達到

## 中國醫學界惟一的評論刊物

### 醫界春秋

本社應時勢之需要發行醫界春秋特刊對於中西醫界作公正之評論宗旨純正不偏不倚內容之豐富印刷之精良誠近代出版界空前未有之醫刊定於夏歷四月十五日出版定價每份大洋四份社址上海法租界霞飛路寶康里五十六號發行所上海雲南路安康二百二十七號

代售處

(上海)

中華書局  
千頃堂

上海醫界春秋社啟

### 葉勁秋醫學函授社廣告

中醫至今日衰頹極矣若再因循坐視不急起而整理之倡導之我恐國粹之淪亡指日可待今勁秋不自度量創辦函授其目的在灌輸醫藥智識培植醫門人

第三十四期 廣告門

一百〇九

才聯合真正同志互相研究互相討論以發明真理爲歸宿或有對於中醫具誠  
意者願負責任者概認爲真正之同志世之  
明哲諸君能表同情于勁秋者深願廣爲介紹是爲啓

招生簡章

- 一 本社以研究醫學爲主旨以改進中醫爲歸宿
  - 二 暫定二年畢業講義費每年十元分繳者每月一元(概須郵滙郵花不收)
  - 三 不限男女年歲不拘何時概可投考
  - 四 投考時須詳列年歲職業及目下狀況另作試題兩個(1)爲什麼要研究中醫(2)對於中醫願負什樣責任和希望分別騰清及格者開始函授否則恕不作覆
  - 五 講義每星期發一次全年作五十次
- 通訊處暫定楓涇葉勁秋醫室內

# 醫學亞東月刊

定價 { 每月一冊大洋二角五分  
 全年十二冊大洋二元五角

郵票代用作九折算

內容 分學說及實驗, 診療寶函, 綜說, 臨診講話, 處方集, 技術, 篇, 最近文獻, 藥物療法, 釋疑, 雜纂, 調查及統計, 新書及新藥, 介紹, 雜報等, 內容之豐富, 請以函索當呈樣本。

上海東寶興路三十八號

總發行所 **東亞醫學社**  
 分售處 上海商務印書館及地方分館  
 其他在中國著名書局

## 繪圖鍼灸傳真全書出版廣告

本會理事趙緝菴、孫祥麟、王郁文合著鍼灸傳真全書八卷, 援引靈樞素問之精華, 加以詳切註解, 曰內經刺法兩卷, 採擇古代名醫鍼法, 慎其從違, 曰名醫刺法兩卷, 辨別疑難, 圖形更正。

第三十四期 廣告門

一百一十一

第三十四期 廣告門

一百十二

他書錯誤以求分明清切曰考正穴法兩卷本歷年心得經驗之術講真理求實效闡明岐黃秘訣曰鍼灸傳真兩卷共成八卷卷各成本現已脫稿出版凡有志針學者請速購閱是盼

價目

每部 八本 定價大洋二圓三角

如買廿部以上者

按九扣核算

十部以上者

按九五扣核算

繪圖鍼灸傳真價目發行表

總發行所山西代縣亨利石印局

分發行所山西中醫改進研究會

剪子巷成文齋書局

印刷所山西代縣亨利石印局

### 無錫王旭高名書六種出版廣告

先生醫案柳君寶詒已選入四家醫案尙有退思集穎方歌註醫方證治彙編歌

訣增訂醫方歌訣醫方歌括。薛氏濕熱論歌訣。西溪書屋夜話錄治肝秘訣。六種。於傷寒濕溫雜證肝病圖解詳明。思路新穎。凡在醫林。尤堪研究。醫校學生。尤便誦習。茲由吳縣陸晉笙君重訂。小無錫周農君精校。交上海千頃堂石印。每部六角。八折掛號郵費一角。各省大書坊均有寄售。

分售處無錫西門外棉花巷周小醫農室

### 介紹學道新書金丹真傳

學道必須修養。修養端重。師傳奈今之道家。稍有承述。皆秘為奇貨。故作艱深多立層夾。使學者望而却步。似非大道為公之旨。茲有漱石生者。本其師傳。悟澈元妙。掃除秘密。居奇之習。將道家修養工夫。合盤托出。著書一卷。名曰金丹真傳。有志學道者。但手此編。自入終南捷徑。現此書本會寄售。每部實折八角。郵費在外。

呂聯奎  
楊百城 全啟

山西官民 日日必需  
海內外 處處爭購

晉民快覽 之

Popular guide book of Shansi

第三十四期 廣告內

↓  
為個人 為社會 為家庭

事業建設上惟一之參考書良因山西百政維新

諸可借鏡 敝社萃英摘華年刊一編數年以來荷承

海內外賢達推為山西之寫真晉政之年鑑敝社至為榮

幸十五年的新出版了每册仍售四角寄費七分合購前三

期祇售一元五角寄費在內所費有限不啻遊歷山西一

週如承

函購請詳開姓氏地址逕函本社李炳衛君照寄不悞郵

票代現不扣

山西晉民快覽社謹  
社址省垣 新城街

一百十四

上海同德醫學專門學校新同德社  
 NEW DUNG-DAI ASSOCIATION  
 DUNG-DAI MEDICAL COLLEGE  
 MARKHAM ROAD, SHANGHAI, CHINA.

第三十四期 廣告門

新 同 德  
 醫 藥 月 刊  
 Neue Dung DRI  
 Medizinische Monatschrift

本誌為指導民衆衛生。介紹德國醫藥之刊物。  
 內容豐富。印刷精美。定價全年十二冊。一元  
 五角。郵費加一。茲將二卷二期要目列后——

「論壇」萬惡的舊式婚姻與醫學。醫生的道德論。改革我國醫學的徹底辦法。  
 「學說」返老還童之說明。女性美。衛生概論。男性生殖器虛弱。結婚與肺癆。  
 「醫藥」白濁何時認為痊○。中藥概要。新醫治療之種種。梅毒△療法時之副現象及其處理法。  
 「問答」問答一束。  
 「常識」打破親善政策。○廣的自述。  
 「文藝」月下吟三章。雲霞俱。雜詩數首。尙有「專載」及「新聞」兩欄不備錄。

定報處 上海同德醫學專門學校新同德社



第三十四期 廣告門

一百十六

醫學選錄

出版廣告

介紹人周小農

楊百城

趙意空

慈翁醫學家市張生甫君著內外兩編內編係李君手著新發明醫理外編係纂集前賢經驗每部八角特別優待醫林每部大洋六角六分掛號五分性道實學闡明性理大道每本大洋一角五分郵費加一躉購郵匯為妥郵票以一分至三分油帶夾襯封固掛號寄空函不復 總發行所浙江慈翁費家市張生甫醫室

山東膠縣良心救國社全體公啓

敬啓者同人因宣傳救國事件組織良心救國社期以努力進行永久不懈凡我各團體各機關各界人士如有關於此類期刊或書籍等等之出版品務望每種賜下一份俾作南針而資進行是為至感至盼再者敝社自進行以來深感於吾國人民程度太低毫無國家觀念雖以五卅之悲痛似仍不關彼事漠然無動於中而敝社同人進行之艱難實出意料之外是以敝社現在決定一方努力宣傳演講愛國救國之旨一方極謀提倡鄉間社會教育之普及敝社以為國家之強盛非保全國民性及其提高國民程度不可而此社之入手辦法又非由普及鄉村教育倡大本國及世界之學術文化不可故敝社同人不揣愚昧不避艱難決定創辦圖書館數處敢請以此十年為期自全縣而全省至全國普及為止凡本社社員均志願畢生從事於此以資補救今蒙敝社同人全縣及全省所存中文書籍貳萬餘冊報章雜誌數十種價值共約六萬圓業經本社公決定為本社第一圖書館即以逢氏圖書館為名以資獎勵此後如有捐書者所捐書籍之價值足五萬圓之數者即另立第二圖書館而以捐書人之名或姓為圖書館之名

焉至於其他登報鳴謝等一切詳細辦法另有詳則可閱茲不贅述惟敝社同人  
 心有餘而力不足滋特徵求鼎力特別贊助如蒙加以書籍或期刊等出版品之  
 捐助則更為敝社所企盼而敢代表無數受惠者表示萬分叩謝者也至於各大  
 書局各大報社各出版團體各界人士其有熱心社會事業而願將其出版品捐  
 助者務乞賜以介紹以便接洽則敝社更感德不盡矣臨書企盼不勝懇切待命  
 之至如蒙回件請直寄山東省膠縣城良心救國社逢氏圖書館收即可特此奉  
 達敬頌台祺  
 再啓者敝社此次徵求之範圍極廣毫無限制無論所捐助者為何類何種及新  
 舊完缺磁片紙隻字破報殘簡亦一概竭誠歡迎而萬分感謝者也久仰先生熱  
 心社會事業素以指導後學領袖與論為國人所敬佩務乞不吝珠璣賜以特別  
 贊助並盼廣如介紹期收集腋成裘衆志成城之功此則惟鼎力是賴矣敝社同  
 人久耳鴻名識荆無自臨風翹企仰止曷勝倘蒙不棄加以提携則豈只敝社同  
 人應刻骨銘心凡此後之受賜者無不感激大德於無窮也專此奉達不勝迫切  
 待命之至肅此敬頌

勸捐新書

周筱農君來稿附登

馬克司為最高學說良多益寡稱物平施井田主義大同可期宜乎學界風靡抵  
 掌研究也諸君有有共產黨執行委員會宣言書一切共產書籍乞郵寄以下三  
 處詳細地址當有收據回奉或以相當書籍回贈  
 北京總商會正陽門外西珠市口奉天總商會潘陽城內鐘樓南大街上海總商  
 會圖書館上海鐵大橋北天后宮間壁永久保存共同研究也

傷 科 大 全 書

〔甲〕書內容

生理解剖學 內臟全圖 心臟全圖 頭部骨骼圖 心臟縱剖圖 消化全圖 肺臟全圖  
 腎臟全圖 全身骨骼圖 五臟總表 小腸 大腸 胃腑 膽腑 心  
 肝臟 脾臟 肺臟 腎臟 五臟六腑井榮命原經合總表 生殖器 筋肉  
 膀胱 心包 三焦 命門 五臟  
 皮膚 傷毛 骨節  
 傷科病理學 緒論 外傷總論 主要穴道 全體傷 巔頂骨傷 額門  
 骨傷 山角骨傷 凌雲骨傷 左右天腎骨傷 晴明骨傷 齒傷 耳傷 兩鈞骨傷  
 中血堂傷 口唇傷 舌傷 胸骨傷 下肢骨傷 心坎骨傷 結喉傷 肋骨傷 背骨  
 後山骨傷 旋台骨傷 臂骨傷 胸骨傷 人字骨傷 下肢骨傷 結喉傷 肋骨傷 背骨  
 傷 腰骨傷 髑骨傷 食肚傷 兩乳傷 陽物傷 痰門傷 氣門傷 腫痛 小腹傷 外腎傷  
 膀胱傷 肚腹傷 肛門傷 食肚傷 兩乳傷 陽物傷 痰門傷 氣門傷 腫痛 小腹傷 外腎傷  
 尾闕穴傷 兩脅稍傷 海底傷 兩乳傷 陽物傷 痰門傷 氣門傷 腫痛 小腹傷 外腎傷  
 小腸傷 兩脅稍傷 海底傷 兩乳傷 陽物傷 痰門傷 氣門傷 腫痛 小腹傷 外腎傷  
 愛人病 生理上之藥法 孕婦傷 杖傷 夾棍傷 閉藥筋傷 腫痛 小腹傷 外腎傷  
 總論 五臟受傷論 肌肉作痛 骨傷 吐血 胸膈痛 腹火傷 內傷  
 血虛 煩躁 喘咳 昏憤 作嘔 作渴 祕結 挾表 感症〔雜傷〕救自縊  
 暈 救溺水法 運燻灸倒四法 化痞法 應刺穴道

第三十四期 廣告門

一百十八

注一 全省醫聯會通過 傷科研究社審定  
 傷科醫專校編輯 傷科專醫生校閱

●藥物學 大意：一本書仿西法藥物學之編制每味首列名稱次性質次功用次洋解禁忌方：一本書藥品中量不過為研究之標準多少宜善變通  
 一本書對於補益表散攻裏理氣理血去寒利溼潤燥瀉火除痰收瀉殺蟲之  
 十二大法列一藥物表以使用：一藥有補瀉溫涼人有五臟六腑本書編成  
 臟腑用藥表庶不妄投：一用藥貴乎對症本書編成候症用藥表可免臨症亂  
 投之憾：一藥有忌使畏惡之別處方最要注事之重本書另立相忌相使相異  
 相惡表以別之：一藥有相反有關於生命另立表以識之：一本書所載處方是  
 雜症而設

●上肢學 緒論：總論：手法要義：摸法：端法：提法：按摩法：推拿  
 法：器具要義：振盪：攀索：疊：上肢節論：下牙：牙：失：肩：腕：指：大：膝：腳：足：趾：足：掌：上：全圖

●頸項學 緒論：總論：頭部裹紮法：肩頭部裹紮法：鎖柱骨裹紮法：飯匙骨裹紮法：肘骨裹紮法：肘骨與膝蓋裹紮法：手指裹紮法：上肢裹紮法：腕膝足踝及彎

●節等裹紮法：肘骨與膝蓋裹紮法：手指裹紮法：折骨裹紮法：注意之事項：綁縛全圖  
 法：足之裹紮法：瘡口潰爛裹紮法：損傷接骨歌：頭骨：鼻樑骨：下牙：天井骨：肩頭骨：鎖柱骨：飯匙骨：金井骨：兩脇骨：肋骨：胸骨

●接骨學 緒論：總論：骨度註釋：損傷接骨歌：頭骨：鼻樑骨：下牙：天井骨：肩頭骨：鎖柱骨：飯匙骨：金井骨：兩脇骨：肋骨：胸骨

●上肢骨：下臂骨：手掌骨：手指骨：骨盤：大腿骨：骨：中：膝蓋骨：小腿骨：足骨：脊骨：拾遺

●診斷學 「望診」傷症五絕看法表：傷症分因觀察表：內外傷損險症視

第三十四期 廣生門

一百十九

醫

學

雜

誌

察表一察色能知內病表！五臟察色吉凶表！〔問診〕傷損問診表！〔切診〕六部定位表！臟腑全表！五臟脈表！脈形脈訣脈理表！損傷脈訣主要表

●方劑學 一本書所列各方均經屢試屢驗者或自得諸祕授或自得諸海內名家實非尋常之良方可比！一本書精選良方共一百五十四方如能善用各種損傷不患無回春之望！一本書每方編成號碼以便查看！一本書每方先立名稱次主治次方歌次藥物次製法次注解！一本書所用藥物之分量皆有一定配合亦有成規不可妄加更改！一本書藥物之分量均係成人普通之量倘係小兒及老人則宜按年歲而加減！一本書拾遺藥方頗多皆海內專家祕方如經本社所得如數登出以便參考

〔乙〕一本書特點

- 祕傳盡量佈露
- 內外傷損俱全
- 編制參酌中西
- 名家作序并題
- 理解明晰透澈
- 手法詳細易習
- 圖像精詳完備
- 表格仔細完美
- 紙料堅韌耐久
- 詞句顯明曉暢
- 次身有條不紊
- 誤點更正明白
- 藥物去瑕取粹
- 丸散膏丹俱有
- 方劑靈驗異常
- 診斷切實發揮

〔丙〕本書應用

傷科醫士不可不閱 慈善大家不可不備 欲得祕術不可不辦 挽救古醫不可不究

〔丁〕預約期限  
陰歷九月起十一月止

〔戊〕出版日期  
陰歷十二月一日

〔己〕額數  
五十部

〔庚〕定價

洋裝布面甲種念捌元  
乙種六元  
預約對折

〔辛〕總發行所

蘇州中醫傷科研究社

〔壬〕購書手續

〔一〕將預約券填寫剪下并書費掛號寄蘇州  
裝駕橋巷一號本社

〔二〕本社收到匯款原斑給發收據為憑

〔三〕匯款如有中途遺失本社概不負責

〔四〕額滿將匯款原斑退回

發	刊	宗	旨
打	守	發	國
破	祕	揚	粹

傷 科 大 全

預 約 券

---

茲奉上海 元

角正請發傷科

大全 種一部此

致

中醫傷科研究社

社長季愛人 台照

中華民國 年 月 日

通訊處 省 縣

第三十四期 廣告門

一百二一

第三十四期 廣告門

介紹 廣東中醫雜誌

廣東中醫專門學校刊行中醫雜誌於十五年四月出版每月一册分專著學說課藝醫案驗方調查雜俎校務各類內容精美吾道干城有志中醫者不可不先睹為快也用特介紹

一百三二

定價表	一期	二期	三期	四期	五期	六期	七期	八期	九期	十期	十一期	十二期
	二角	二角	二角	二角	二角	二角	二角	二角	二角	二角	二角	二角
郵費	本國	本國	本國	本國	本國	本國	本國	本國	本國	本國	本國	本國
	每册	每册	每册	每册	每册	每册	每册	每册	每册	每册	每册	每册
	四分	四分	四分	四分	四分	四分	四分	四分	四分	四分	四分	四分
郵票寄購	九折寄以一分至四分											
為限												

〔地址〕廣東市麻行街八十四號

〔編輯所〕廣東中醫藥專門學校

〔發行所〕同 前

〔代派處〕商務印書分館

中華民國十五年十二月出版

編輯兼發行所

山西太原省城精營東二道街北首門牌第一號  
中醫改進研究會

信實進取愛羣



## 一 意 注

本雜誌每兩月一冊全年六冊如承訂閱請寄現款郵票代價九五折扣以四分以下者為限但郵票必須開以蠟紙如無蠟紙致不能揭開者不收

價全	年六	冊大	洋八	角	郵費	九	分
目半	年三	冊大	洋四	角	郵費	四	分半
表零	售一	冊大	洋一	角五分	郵費	一	分半

## 二 意 注

本雜誌為提倡醫藥學起見凡有著名醫家及經驗良好藥品願登廣告者列表於下

廣頁數	價目	兩月	一期	半年	三期	全年	六期
告全	頁大	洋四	元大	洋十	元大	洋十八	元
價半	頁大	洋二	元大	洋五	元大	洋八	元
目四分	之一	大	洋一	元大	洋二	元大	洋三